

胎
產
心
法

胎產心法序

一介之士苟存心於利物於人必有
所濟矧更擇一藝以自居者其為
功於世可勝言哉卜氏有言曰雖
小道必有可觀論者謂如農圃醫
卜之屬四者之中精其業勻足以
濟世然而農圃為聖人所弗道卜

筮之學君平而後鮮得其傳則
夫士大夫從博覽之餘一分其
聰明才力以寄其愛人利物之心
者要莫如醫之一途焉雅馴而功
溥雖然難言之矣蓋人稟陰陽
五行之氣以生命於天者既不無
厚薄之殊而可繼也或傷於寒

暑或繼於嗜慾或苦於抑鬱勞
瘁與夫一切戕生拂性之端種
相攻求疾病之不起也得乎苟
非有挾岐黃之術者以調劑其
間則斯人質之太賁可哀故諸家
之中唯醫道為難而醫道之中惟
治胎產為更難也余同寅友

閻君文侯器宇宏深善氣逼人且
於書無所不窺於藝無所不通
而尤留心醫學每謂婦人胎產所
關非小誠以受胎之後調養有法臨
產之際保護有方既產之時調理
有術稍一弗慎則存亡判於俄頃
生死關乎兩人嘗見庸醫多誤

輒為嗟嘆不置爰及諸名家所
論說而折衷之以已意著為胎產
一書顏曰心法余於共事之暇得
閱其槩因取而讀之其於藥性
脈理辨析於毫芒微驗引據融
會乎古今誦業斯道者之津

梁也良由閭君居心仁慈常
懷利物故即一藝之微而亦
必筆之於書以覺世而訓俗今
方特膺

聖天子簡命監使西粵固將控
是心以措之經綸設施行見事

業爛然有以上報

聖主特達之知下慰寮友期望之
雅則其溥利蒼生正無窮也豈
特肘後丹方徒令人向 閻君多
種杏樹哉然其書亦急宜付之梨
棗以功業醫者後復章寄一卷示

予勿相忘也是為序

賜進士出身楚竟陵年家眷同寅
弟龔健颺拜書於燕臺客舍
崇正三年秋八月

予不敏少年未嘗學問雖於
醫書多所涉牘亦知其大略而
未究其精微何敢自矜一得以法
當時而傳後世耶第念醫以寄
死生其道固難而胎產一門宗
嗣攸繫兩命所關尤為醫道之最

難者緣是博採方書日取先賢
名論而探求奧理考驗揣摩歷
三十餘年似有以得其要領不為
歧途所惑乃敢折衷先代之書
叅以鄙見彙成一集分為上中下
三卷顏曰胎產心法凡婦人受胎之

始有以固其根臨產之際有以防其
變既產之後有以保其生始終常變
曲折周詳不敢自私爰付剞劂願
世之業醫者得是書而融會貫通
神明變化固可以茂育羣生即不
然依論擇方對症加減亦可以保

全子母後之善學胎產者當不以
予言為河漢耳爰勒其槩於篇
首以為之序

皆

雍正庚戌季菊月之中浣廣西
左江觀察使上谷閻純璽誠

齋氏書於官署

胎產心法卷之上

各論目錄

脉法

脉訣歌

金匱解 方附本條

逐月養胎辨並慎擇醫藥論

受胎試驗法 附方

試男女胎法

三禁

教養宜忌論

飲食七情禁忌

妊娠藥忌歌

種子補益受胎壽子論

胎動安胎論

惡阻論

胞漏并小產論

諸痛論

附孕癰

胎逆上通脹滿子懸論

諸血證論

子腫子氣子滿論

子煩並五心煩熱及煩躁口乾論

子淋論

轉胞淋閉論

遺尿論

子嗽論

喘急論

泄瀉論

霍亂論

中惡中暑中濕中風論

子癇論

附破傷吐衄血類中風

痢論

瘧論

傷寒溫熱時疫論

譫語論

傷風論

傷食論

臟燥悲傷論

大便燥論

子瘖論

腹內兒哭鐘鳴論

胎不長養過期不產並枯胎論

鬼胎論

腸覃似孕並蓄血似孕論

妊娠出痘論

妊娠麻疹論

諸方目錄

補益門

種子丹

種子奇方

坎離丸

延嗣酒

補益大豆方

山精壽子丸

補陽

益氣煎
益氣丸

濟陰壽子飲

濟陰大造丸

河車大造育麟丸

胎動安胎門

丹溪安胎飲

加味安胎飲

加減安胎飲

安胎萬全飲

杜仲丸

附千金保孕丸

胡連丸

黑白安胎散

加味四物湯

四物湯

加減用法

芩朮安胎飲

紫蘊飲

保胎神效丸

惡阻門

加味參橘飲

止嘔安胎飲

歸原飲

參橘飲

青竹茹湯

橘皮湯

二香散

保生湯

半夏茯苓湯

小和中飲

六味異功煎

理陰煎

附附子理陰煎○六味回陽飲

良方半夏茯苓湯

茯苓丸

苦柚單方

胞漏小產門

加味補中安胎飲

歸脾湯

附加味歸脾湯○濟生歸脾湯

尊生安胎飲

景岳胎元飲

泰山磐石散

安胎萬全神應散

鳳衣散

苧根湯

膠艾安胎散

增損八物湯

止漏絕神丹

諸痛門

附孕癰

川芎茶調散

加味芎歸湯

藿香正氣散

尊生定痛延胡散

人參養胃湯

六君子湯

千金芩朮芍藥湯

補中益氣湯

平胃散

膠艾湯

千金托裏散

八珍湯

二妙散

獨活寄生湯

膠艾芎歸湯

佛手散
一名芎歸湯又名當歸湯

阿膠散

捷徑方

三物解毒湯

四烏湯

加味導赤湯

小柴胡湯

六味地黃湯

附六味地黃丸○桂附八味地黃丸
○金匱腎氣丸○濟生腎氣丸

東垣涼膈散

香殼散

下瘀血湯

當歸活血湯

胎逆上通脹滿子懸門

四君子湯

逍遙散

附八味逍遙散又名加味逍遙散

和氣安胎飲

附順氣安胎散

加參平胃散

尊生和氣飲

針灸方

諸血證門

加味清胃散

黃芩清肺飲

冬味地黃湯

附冬味地黃丸又名八仙長壽丸

涼血地黃湯

子腫子氣子滿門

子滿卽名胎水

全生白朮散

健脾利水湯

加味五皮湯

附五皮散

加味天仙籐散

茯苓湯

千金鯉魚湯

局方五皮湯

東胎飲

子煩並五心煩熱及煩躁口乾門

竹葉安胎飲

千金竹瀝湯

加味竹葉湯

二陳湯

加減參麥湯

知母丸

一味黃連散

尊生加味安胎飲

子淋門

加減安榮散

轉胞淋閉門

二陳升提飲

遺尿門

白薇散

加減六味湯

子嗽門

寧肺止嗽散

蘓桔湯

喘急門

參蘓飲

平安散

泄瀉門

胃風湯

加味理中湯

加味治中湯

四苓散

附五苓散

不換金正氣散

胃苓湯

加味六君子湯

審齋加味四君子湯

人參白朮散

霍亂門

香薷散

加味四味紫薷和胎飲

六和湯

回生散

七味白朮散

中惡中暑中濕中風門

散滯湯

煮艾方

清暑和胎飲

黃芩白朮湯

搜風安胎飲

子痛門

羚羊角散

鈎藤湯

清神湯

琥珀壽星丸

刺防安胎散

癰門

厚朴去乾薑湯

厚朴生薑甘草半夏人參湯

黃芩芍藥湯

香連丸

連理湯

千金三物膠艾湯

又名膠艾槿皮湯

駐車丸

白頭翁加甘草阿膠湯

當歸黃芩芍藥湯

黃連阿膠湯

一味阿膠飲

阿膠黃連飲

又名黃連阿膠湯

加味香連湯

瘧門

枳實理中湯

附理中湯○附子理中湯

承氣湯

黃連解毒湯

桂枝白虎湯

附白虎湯○人參白虎湯

散邪飲

截瘧湯

柴胡知母湯

七聖截瘧散

明砂止瘧丹

加減丹溪安胎飲

傷寒溫熱時行疫證門

葱白香豉湯

尊生香薷散

金花湯

濟陰香薷散

黃龍湯

三黃解毒湯

護胎法

又法

柴葛安胎飲

生津葛根湯

梔子薤豉湯

加味化班湯

千金石膏大青湯

石膏六合湯

升麻六合湯

譚語門

生地黃黃連湯

血證黑神散

臟燥悲傷門

甘草大棗湯

淡竹茹湯

大便燥門

潤燥湯

胎不長養過期不產並枯胎門

保元湯

十全大補湯

補血行滯湯
又名催生湯

鬼胎門

決津煎

通瘀煎

妊娠出痘門

黃芩湯

妊娠麻疹門

升麻葛根湯

固胎飲

胎產心法上卷目錄

畢

胎產心法

卷上

諸方目錄

十五

胎產心法卷之中

各論目錄

脉訣歌

保產論

胎殺方位

房中遊神方位

生子宜向方

安產藏衣方向宜忌

借地法

臨產須知

難產五因

催生論

子死腹中論

胞衣不下論

交骨不開論

諸方目錄

保產門 預服易產

達生散

密傳達生散

養胎散

神寢丸

保生無憂散

千金不換方

一名保產無憂散

保氣丸

滑胎煎

滑胎散

家傳胎產金丹

臨產須知

救逆湯

三補丸

催生門

催生獨參湯

附論

催生萬全湯

附論

催生佛手散

油密飲

三合濟生湯

魚膠散

催生簡易方

催生如意散

催生芎歸湯

卽佛手散

葱白益母湯

神柞飲

秘錄加味神柞飲

附論

乳硃丹

伏龍肝散

二脫散

膠葵散

催生如神散

催生如聖散

手握丹

一名兔腦丸

琥珀黑龍丹

催生起痘神驗方

尊生救生湯

神應丹

又名萬全膏

子死腹中門

立候下胎散

烏金散

局方名黑神散○靈苑名肉桂散

脫花煎

香桂散

一名桂香散○附救苦散

牛膝丸

琥珀丸

新法下胎方

千金神造散

扶羸小品方

仙傳保命丹

一名安襍丸○一名奪命丹

官桂散

黑神散

鷄熨下死胎法

下胎單方

千金榆皮湯

返魂丹

胞衣不下門

益母丸 一名返魂丹○附益母膏

良方奪命丹

失笑散

下胎衣單方

又方

血極膏 一名醋大黃丸

三柰下胎方

花蕊石散

良方牛膝散

灸足小指法

千金牛膝湯

蛇蛻烏金丸

半夏散

交骨不開門

參便佛手散

加味芎歸湯

開骨膏

胎產心法中卷目錄

畢

胎產心法卷之下

各論目錄

脉訣論

產後大補須分虛不虛全實三證論

四物湯不宜產後論

生化湯論

附方

調攝論

產後禁忌論

產後藥誤須知

三衝論

產後不宜汗下利小便論

新產三審論

血塊論

暈厥論

血脫氣脫神脫三證論

血脫暴崩氣脫似喘神脫妄言妄見及譫語鄭聲發狂

惡露不止論

氣喘論

惡露不下論

脫汗亡陽及諸汗論

傷食論

忿怒氣逆論

頭痛論

心痛卽胃脘痛論

腹痛論

小腹痛並兒枕論

腰痛論

脇肋痛論

手足身痛論

發熱論

大便燥秘論

類瘧及寒熱往來論

類中風痙瘓及語澁口噤不語筋攣瘰癧等證論

怔忡驚悸並虛煩煩燥論

麻督論

口乾渴兼小便不通或短少論

泄瀉及完穀不化並遺尿論

痢滯論

霍亂論

氣逆嘔吐不食論

呃逆論

即吃忒又名咳逆

腹脹滿悶論

浮腫論

咳嗽論

淋證論

小便數及遺尿不禁論

蓐勞骨蒸論

吐衄及口鼻黑氣起而衄並舌黑論

大小便血論

月水不通論

癰疽論

乳少無乳並乳汁自出論

妒乳吹乳乳癰論

乳巖論

乳懸論

前陰諸證論

諸方目錄

生化湯

附論

三衝門

來復丹

二味參蘓飲

新產三審門

殿胞煎

暈厥門

急救暈法

從權急救生化湯

從權急救加參生化湯

加參生化湯

附大補回陽生化湯

參麥五味飲

附參麥飲又名生脉湯又名生脉散

滋榮益氣湯

血脫氣脫神脫門

血脫暴崩不止氣脫短促似喘神脫妄言妄見及譫語鄭聲發狂

荆芷治崩湯

加參生化止崩湯

滋榮益氣止崩湯

升舉大補湯

曾生升舉大補湯

千金伏龍肝湯

貞元飲

續氣養榮湯

寧神生化湯

寧神定魄茯神湯

芎歸瀉心湯

千金遠志湯

龍齒清魂散

惡露不止門

蒲索四物湯

升陷固血湯

保陰煎

清化飲

固陰煎

壽脾煎

大補元煎

薛氏加味四物湯

良方一味防風散

氣喘門

金水六君煎

六安煎

惡露不下門

加減八珍湯

四味散

脫汗亡陽及諸汗門

麻黃根湯

黃耆建中湯

附小建中湯○內補建中湯

止汗散

人參養營湯

傷食門

生化消食湯

健脾消食湯

長生活命丹

忿怒氣逆門

木香生化湯

健脾化食理氣湯

頭痛門

產後芎歸湯

卽佛手散此方因證加藥治法

參蘓芎歸湯

心痛卽胃脘痛門

生化立效方

腹痛門

加味生化湯

當歸建中湯

金匱當歸生薑羊肉湯

金鈴子散

五君子煎

胃關煎

四神丸

附二神丸

四神散

小腹痛並兒枕痛門

延胡生化湯

延胡索散

蠟礬丸

太乙膏

腰痛門

養榮壯腎湯

局方調經散

琥珀地黃丸

脇肋痛門

芎歸瀉肝湯

當歸地黃湯

加減小柴胡湯

加減補中益氣湯

瀉白散

附加味瀉白散

歸芍清肝飲

手足身痛門

起痛散

補中益腎湯

發熱門

辛散生化湯

附辛散湯

當歸補血湯

大便燥秘門

養正通幽湯

潤腸粥

濟川煎

類瘧及寒熱往來門

滋榮益氣扶正湯

加減養胃湯

參朮膏

參歸湯

三陰煎

補陰益氣煎

類中風痙瘓及語澁口噤不語筋攣癱瘓門

滋榮活絡湯

天麻湯

加味生脉散

止汗生血飲

芎歸棗仁湯

七珍散

舒筋湯

參附湯

怔忡驚悸並虛煩煩燥門

加減歸脾湯

養心湯

安神丸

人參丸

人參當歸湯

麻薺門

地黃飲子

口乾渴兼小便不通或短少門

生津止渴益水飲

生津益液湯

加味五苓散

泄瀉及完穀不化並遺尿門

蓮子生化湯

健脾利水生化湯

參苓朮附湯

參苓生化湯

參苓蓮子飲

加味生化湯

參苓大補生化湯

參香散

加味六君子湯

痢滯門

香薷生化湯

歸芍連殼飲

五皮散

香連丸

伏龍肝湯丸

霍亂門

生化六和湯

溫中散

附子散

加味理中湯

氣逆嘔吐不食門

加減生化湯

溫胃丁香散

石蓮散

香砂生化湯

加味香砂生化湯

安胃行血湯

加減六和湯

和中湯

補中和胃湯

益黃散

抵聖湯

呃逆門 卽吃忒又名咳逆

加味理中湯

養附湯

腹脹滿悶門

治脹方

養生化滯湯

加減六君子湯

浮腫門

補中利水湯

小調經散

調經湯

加味五皮湯

咳嗽門

加味生化湯

桔梗湯

加味甘桔湯

桑貝芎歸清肺湯

異攻散

二母湯

淋證門

知柏導赤散

益元散

參朮湯

茅根湯

加減茅根湯

濟陰加味四物湯

小便數及遺尿不禁門

升陽調元湯

桑螵蛸散

人參螵蛸散

益心湯

還少丹

羣勞骨蒸門

參歸湯

白茯苓散

鱉甲湯

當歸羊肉湯

清骨散

保正湯

加味大造丸

增損柴胡湯

千金當歸芍藥湯

烏骨雞丸

吐衄及口鼻黑氣起而衄並舌黑門

三味參蘓飲

大小便血門

小薊湯

乳少無乳乳汁自出門

行氣下乳湯

玉露散

漏蘆湯

猪蹄湯

又方

香砂四君子湯

通草猪蹄羹

湧泉散

加減一陰煎

獨參湯

妒乳吹乳乳癰門

瓜蒌散

連翹金貝煎

橘葉散

清肝解鬱湯

曾生治吹乳初起一

曾生治吹乳身熱二

曾生治吹乳結腫三

人參敗毒散

又名敗毒散

神效瓜蔓散

消毒飲

定痛消毒飲

槐艾洗法

瓜蔓貝母散

乳巖門

益氣養榮湯

乳懸門

方附本論中

前陰諸證

硫黃湯

欬官方

硫黃散

熨陰洗陰法

當歸湯

龍胆瀉肝湯

收腸方

又收腸方

千金療蝕方

椒湯治法

肉汁治法

金銀散

殺蟲硫黃散

胎產心法下卷目錄

畢

胎產心法卷之上

脉法

經曰婦人手少陰動甚者。姙子也。○又曰陰搏陽別。謂之有子。○又云何以知懷子之且生也。曰身有病而無邪脉也。○又尺中之脉。按之不絕者。姙娠也。○滑伯仁曰三部脉浮沉正等。無他病而不月者。姙也。○按婦人帶證。足少陰脉亦多滑利。頗似孕脉。然必與手少陰脉動相應。方爲姙子。否則爲帶也。○凡婦人懷孕。其血留氣聚。胞宮內實。

故尺陰之脉必滑數。此必然之理也。然亦有中年受胎。及血氣羸弱之婦。脉見細小不數者。但於微弱之中。必有隱隱滑動之象。此卽陰搏陽別之謂。乃妊娠之脉也。但胎孕之脉數。勞損之脉亦數。然損脉數中兼弦澁。胎孕數中兼和滑。此幾微中邪氣胃氣之異。一診便知。再加審之以證。則顯然而明見者也。凡業醫者。不深究脉理。不細玩內經。往往誤認爲陰虛勞損經閉之證。若非婦人之夫。明以告之。鮮有不誤治。反成半產漏下者矣。可不慎歟。

脉訣歌

肝爲血。今肺爲氣。血爲榮。今氣爲衛。陰陽配偶。不參差。兩臟通和。皆以類。血衰氣旺。定無妊。血旺氣衰。應有嗣。婦人經脈不見行。其脈微滑。帶數意。身雖有病。脈無邪。不澹不伏。不弦勁。寸微關滑。尺數形。流動往來。雀啄利。兩手關脈大相應。胎已有形。無差異。以上胎脈。指下詳。數月懷身。經脈閉。左疾爲男。右爲女。帶縱帶橫。獲生據。左手脈逆生三男。右手脈順生三女。人恐左右臟氣偏。不若陽男與陰女。寸滑爲陽。尺滑陰。兩寸滑實。獲男取。兩尺滑實。二女陰。此定男女分明語。右尺左寸滑見形。證別一男又一女。又云。

左寸浮大男。右寸沉細稱爲女。屢經診驗不差訛。說與醫人爲確據。小兒日足胎成聚。身熱脉亂無所苦。汗出不食吐逆時。精神結脩其中住。滑疾按散三月胎。但疾不散五月毋。八九十月疾數無。亦有始終洪數婦。胎脉弦牢滑利安。沉細而微歸泉路。若脉沉細腹微疼。雖有形如懷抱甕。滿腹不動是爲奇。獨冷臍下翕翕動。更兼早暮尺不同。大小浮沉無定論。或動或止或有無。此是鬼胎脉現證。連診數日皆如此。補氣活血何須問。更有夜叉胎作名。急如風雨脉情形。少停復來如初樣。否則關中雀啄成。又有指下

脉弦勁。再加大小不調勻。夜久脉候應如此。切莫安胎成話柄。編成胎証脉訣歌。熟讀自能通捷徑。

金匱解

方附本條

凡婦人脉無病。惟陰脉小弱。乃營氣不足。若感邪而營氣不足者。必惡寒發熱。今無寒熱。妨於食。是知妊娠矣。經水不行。至六十日。血聚氣搏。始凝成胎。營氣並於胎元。而胃氣不足。津液少布。故其人渴。不能食。宜桂枝湯和營益胃。如醫以他病治之。反加吐下者。此爲惡阻。當絕止醫法。候其自安可耳。

桂枝和營散邪。佐芍藥飲陰。甘草緩之。引以薑棗。辛甘性溫。行脾津液。而和榮衛。則渴止。

凡婦人行經時遇冷。則餘血留而爲癥。然癥病婦人恒有之。或不碍子宮。則仍行經而受孕。雖得血聚成胎。胎成三月。而經始斷。斷未三月。而癥病復動。遂漏下不止。癥在下。迫其胎。故曰癥瘕害。所以臍上升動不安。詢爲正胎無疑。若是鬼胎。卽屬陰氣結聚。斷無動於陽位之理。今動於臍上。是胎已六月。知前三月經水雖利。而胎已成。後三月經斷。而血積成衃。是以血下不止。桂心茯苓圓主之。藥俱等分爲丸。食前服一丸。不知。加至三丸。用桂心、茯苓、丹皮、桃仁、熬以散其衃。芍藥以護其營。則血方止。而胎得安。世本

作桂枝茯苓圓。乃傳寫之誤。詳桂枝氣味俱薄。僅堪走表。必取肉桂之心。方有去癥之功。安常所謂桂不傷胎。勿疑有碍于妊。觀下條子藏開。用附子湯。轉胞。用腎氣丸。俱用桂附。內經所謂有故無殞是也。

妊娠六七月。脉弦爲虛寒。虛陽散外。而爲發熱。陰寒內逆。而作胎脹腹痛惡寒者。其內無陽。子藏不能司閉藏之令。故陰中覺寒氣習習。少腹如扇也。用附子湯以溫其藏。則胎自安。仲景用附子安胎。非神而明之。莫敢輕試也。方缺。可以意擬。必薑桂之屬。

行經與結胎。皆屬衝任。衝任雖持平陰陽交合。爲肝腎之用事。然長養成胎。又資坤土。蓋陰陽抱負則不泄。坤土隄防則不漏。若宿有瘀濁客於衝任。則陰自結。不得與陽交合。故有時漏下。半產下血不絕也。凡妊娠胎氣。陽精內成。陰血外養。今陰血自結。與胎阻隔。不得相和。獨陰在內。作腹中痛。下血。皆陰陽失於抱負。坤土失於隄防。膠艾湯主之。其方芎二兩。歸三兩。宜通陽血。芍四兩。乾地黃四兩。宣通陰血。阿膠二兩。血肉之質。同類以養之。安胎補血。塞其漏泄。甘草二兩。緩中解急。和陰陽通血脉。艾葉二兩。專理

濕鬱帶漏之病。此方藥氣內入。開利陰血之結。而通於陽。調經止漏。安胎養血之妙用也。然加減又必從宜。若脈遲緩。陰勝於陽。則加乾薑。或見數大。陽勝於陰。則加黃芩。可不言而喻。

妊婦有因脾土爲木邪所剋。穀氣不舉。濕淫下流。以滯陰血。而腹中疝痛。當歸芍藥散主之。此與胎阻痛者不同。故君以芍藥一觔。瀉肝利滯。佐以芎歸各三兩。補血止痛。茯苓四兩。澤瀉半觔。滲濕降於小便。白朮四兩。益脾燥濕。要知內外六淫。皆能傷胎成痛。不獨濕也。

妊婦先因脾胃虛弱。津液畱停。蓄爲痰飲。至妊二月之後。濁陰上衝。中焦不勝其逆。痰飲遂湧。中寒乃起。嘔吐不止。乾薑。人參。半夏。丸主之。此卽世俗所謂惡阻病也。故用乾薑一兩。止寒。人參一兩。補虛。製半夏二兩。以治痰散逆。卽以生薑汁和丸。飲服十丸。日三服。

妊婦小便難者。膀胱熱鬱氣結成燥。病非中焦而在下焦。所以飲食如故。歸母苦參丸主之。每味藥各四兩。丸如小豆。飲服三丸。加至十丸。此方當歸和血潤燥。貝母清肺開鬱。苦參長於治熱。利竅逐水。佐貝母並入膀胱。以除熱結。

結通。則水行矣。

妊婦小便不利。病在膀胱。膀胱者。內爲胞室。主藏津液。氣化出溺。外利經脉。上行至頭。爲諸陽之表。今膀胱氣不化。水溺不得出。外不利經脉。所以身重洒淅惡寒。起卽頭眩。但利小便。則水去而經氣行。表病自愈。用葵子茯苓散主之。葵子一觔。直入膀胱。以利癰閉。佐茯苓三兩。以滲水道。小便利。則諸病愈。

凡妊娠之婦。精畱血裏。尺搏而形於脉。動搏則生變化。若靜而不動。則不生不化。是以妊血不可以靜。靜則凝泣。泣

則不生不化而虧少。虧少則虛。皆不能與化胎之火相合。要知胎孕生化。必脉動搏。故調之者。先和陰陽。利其氣血。常服養胎之藥。非惟安胎易產。且免產後諸病。宜常服當歸散。酒飲服。用芎歸芍藥各一觔。安胎補血。白朮半觔。去腰臍間之陳瘀。而補胃養胎。其胎外之血。因寒濕滯者。皆解之。黃芩一觔。化壯火而反於少火以生氣。故爲常服之劑。然當以脉證遲數。虛實加減。有病則服。否則不必也。藥味偏而不正。不比米穀。豈宜無病久服。經曰。味之所入。各歸所喜攻。氣增而久。夭之由也。

凡妊娠血聚而後成胎。少遇邪。則所聚之血將宿而不運。反類瘀惡。必生新開陳。然後胎可養也。養胎不惟在血。而胎係於腎。養之又在於胃。所以補腎調胃。補腎以固其精。調胃以和其中。白朮散主之。但白朮散方藥四味。本草皆云能去惡血。而養胎用之何也。蓋白朮三分。能調胃。蜀椒三分。出汗。一本秦椒。開痺。痺開。則陽精至。牡蠣四分。治崩。崩止。則陰精固。川芎三分。下入血海。運動胎血。破舊生新。如或陰血不利。肝木爲害。在內抑屈而痛者。瀉以芍藥之酸寒。以通其陰。設直衝過而痛者。散以芎藭之辛溫。以通

其陽。或挾瘀惡之氣。上逆於胃。而胃中吐煩不能食者。用細辛。溫中去痰下氣。半夏。治心下急痛。和胃進食。止吐逆。若嘔而不止者。由肝木妄動。用小麥飲。養其本氣以安之。且又平胃下氣止煩。一舉兩得。大麥主消渴益氣調中。故中氣不足而渴者用之。

逐月養胎並慎擇醫藥論

凡婦人有孕。則手足十二經脉。氣血週流。俱拱養胎元。豈有逐月某經養某胎之理。故不具載。如孕婦有疾。必擇專門明醫。平日相信而無錯誤者。方可用之。若未試之。醫有

毒之藥。切勿輕用。以貽後悔。更不可輕用針灸。以致墮胎。

受胎試驗法

附方

婦人經水不行。過二三月。疑是兩身。却疑血滯。心煩寒熱恍惚。以佛手散。艾葉湯調驗之。用全當歸七分。生川芎一

錢。共爲末。濃煎艾葉湯。空心調下。或好酒調服亦可。待三

兩時辰。覺臍腹間微動者。卽孕也。否則是經滯。動罷卽愈。安穩無虞。如不是胎。卽不動。所滯惡物自行。經滯之病亦愈。○一方。驗經脉不行。已經三月者。用生川芎爲細末。濃煎艾湯。空心調下二錢。覺腹內微動。則有胎也。否則經滯。

○查古方有探胎散。用皂角

去皮。

炙草

各一錢。

黃連

少許。

共末。酒調服。有孕則吐。無孕則不吐。但皂角探胎。未有不吐。恐胃弱之婦。卽無胎。亦不免於吐耳。姑錄此方。用者慎之。此皆試之以藥也。若尺脉搏手。與寸脉滑動者。爲孕脉。此試之以脉也。凡婦人受孕。四十日外。必患惡阻。有不患者。在疑似之間。方用此試法。

試男女胎法

凡懷男孕。動在三月。陽性早也。婦臍必突。按之頗實。兩乳甚黑。男面背母。而懷背脊抵腹。其形圓如釜。母腹故硬。女

孕動在五月。陰性遲也。婦臍軟。乳頭雖黑。不甚。女面母腹而懷。足膝抵腹下。大上小。其形如箕。○又法。令孕婦抱未生齒兒女。是男孕。則所抱女兒瀉青糞。若男孕抱男兒。女孕抱女兒。則無恙。○又法。令孕婦前行。人忽從背後呼之。左回首者是男。右回首者是女。○又法。孕婦登廁時。夫從後呼之。男左回首。女右回首。蓋男受胎在左。則左重。女胎在右。則右重。故回首慎護重處而然也。推之於脉。其義亦然。胎在左。則血氣護胎而盛於左。故脉亦從之。而左脉現滑。大疾數等形。爲男脉矣。胎在右。當亦如之。再推之經曰。

陰搏陽別。謂之有子。蓋受胎處於臍腹之下。則血氣護胎而盛於下。故陰之尺脉鼓搏有力。而與陽之寸脉殊別也。又如癰節發上。則血氣從上而寸脉盛。發下。則血氣從下而尺脉盛。發左。則氣血從左而左脉盛。發右。則血氣從右而右脉盛也。丹溪以左大順男。右大順女。爲醫人左右手。豈非智者之一失歟。但丹溪治產精微。恐無此失。大約以此診男女之病而分順逆。原非診別男女也。

三禁

婦人年幼。天癸未行屬少陰。天癸旣行屬厥陰。天癸旣絕

屬太陰。治胎產之病。從厥陰始。是祖氣生化之原也。治法無犯胃氣者。是後天生化之原也。所謂三禁。不可汗。不可下。不可利小便。恐亡其津液而傷其生氣也。大抵產病天行。從增損柴胡。雜證。從增損四物。宜詳脉證而用之。

教養宜忌論

教養宜忌之道。世人不特未諳。卽有知者。亦鮮能遵而行。之。難免半產產難之虞。胎毒夭殤之患。良可慨矣。今擇其緊要者言之。婦人妊娠三月而形像始化。未有定儀。因感而變。口談正言。身行正事。生子端正莊嚴。欲生男者。聽古

文史鑑。執弓矢。欲生女者。觀鸞鳳牡丹。施環珮。欲子美好。佩白玉。欲子賢能。看詩書。欲轉女爲男之法。有以絳紗囊佩雄黃於左者。或潛以夫髮及手足甲置蓆下者。或潛以雄鷄尾尖長毛三莖置蓆下者。勿令本婦知。皆外象內感。屢試屢驗者也。古者婦人有孕。卽居側室。令老嫗伴宿。不與夫接。勿亂服藥。勿過飲酒。勿信師巫。勿食邪味。勿聽淫詞野傳。勿去登高涉險。勿妄針灸。勿舉重物。立不蹕。坐不邊。口不可出惡言。手不可行鞭朴。勿看日月薄蝕。勿見鬼神怪戲。母哭泣。母嗔怒。母驚恐。母沐浴。時當炎夏。雖難免。

於澡洗。然須避其熱湯。若遇嚴冬。縱然寢被清寒。切勿迫以爐炭。若心有大驚。犯之難產。子必癩癰。如或勞力過傷。腎氣不足。生子解顙。自家及隣家修造動土。須宜遠避。若有衝犯。令子破形殞命。刀犯者。形必傷。泥犯者。竅必塞。打擊者。色青黯。擊縛者。相拘攣。坐不實其前陰。卧不欠偏一側。若就坐嗜卧。氣血則爲凝滯。常見富貴之家。厚養安逸。血滯氣凝。交骨堅閉。必難生育。雖曰勿勞。時須小役。四體氣血流行。胎息易於運動。卽如貧賤之婦。因時常行走動作。踈通筋骨。開豁骨眼。所以易產。其最甚者。不遵禁忌。縱

情交接。以擾子宮。有觸動胎元。一月而墮者。有三五月而小產半產者。有胎肥碩而難產者。有敗精凝裹而碍產者。有生子多疾痘瘡稠密者。皆由縱慾之故。其三五月之胎。墮人所共知。而一月之小產。人所不覺。可不慎歟。至孕婦腰腹漸粗。飲食不宜過飽。茶湯更須節省。大熱大涼。總非所宜。有毒之物。切宜禁食。卽椒薑常用之品。亦須少嘗。其豕肉醇酒濕麪之類。縱不能屏絕。不食亦不可恣噉。歸精於胎。過於蕃長。致母臨蓐難產。而子在胞中。稟質肥脆。襁褓必多羸困。婦人孕懷甫交三月。卽當滿裹其腹。胎氣漸

長。僅可微鬆其束。切勿因其氣急滿悶而頓放之。致胎肥難產。俱當謹遵禁戒。隨時調護。可免諸患。此乃宗祧所重。人命所關。安可視爲兒戲耶。

飲食七情禁忌論

子在腹中。資母之氣血而生。孕婦飲食。皆生子之氣血者也。故凡厭忌之物。所當屏戒。苟恣性偏嗜。不但能觸動胎氣。且臨蓐艱難。能令子殘母損。慎之。戒之。○食羊肉。子多白睛。且多病。○豆醬雀肉同食。子生點黯黑子。○食羊肝。子多厄。○食鯨肉。子項短。且能損胎。○食犬肉。子無聲音。

○食鯉鱸魚。及同鷄子食。子害疳。○食螃蟹。子橫生。○食野禽肉。子無耻。且多淫。○鷄蛋同桑椹食。倒生。○食薑椒。子氣促。且痘毒盛。○食田雞鱔魚。子瘡啞。○多食薑。子生岐指。並主多瘡。○食驢馬肉。過月難產。○多飲燒酒。子禿頭。成瞽。○食兔肉。子缺唇。○鷄肉糯米同食。子生寸白虫。○多食鹽。子解顙。○食冰水。並冷物過多。胞衣遲下。○食茨菇。消胎氣。○豆醬同藿香食之。墮胎。○食一切無鱗魚難產。○食諸般菌。生子驚風而夭。○食雀腦。令子雀目。○多食酸傷肝。○多食苦傷心。○多食甘傷脾。○多食辛傷

肺。○多食鹹傷腎。○過喜則傷心而氣散。○過怒則傷肝而氣上。○過思則傷脾而氣鬱。○過憂則傷肺而氣結。○過恐則傷腎而氣下。

妊娠藥忌歌

虻蛭水瘞地蟾蟲。

烏頭附子及天雄。

蠲蠅野葛螻蛄類。

烏喙側子與蜚蟲。

牛黃水銀同巴豆。

大戟蛇脫及蜈蚣。

牛膝藜蘆和薏苡。

金銀錫粉黃雌雄。

牙硝芒硝牡丹桂。

蜥蜴飛生與麤蟲。

代赭。蚱蟬。胡粉。麝。

芫花。薇。蘅。草。三稜。

槐子。牽牛。並皂角。

蟻。螬。桃核。共茅根。

乾薑。礪砂。與乾漆。

茵草。傷胎一樣同。

瞿麥。蘆茹。蟹甲。瓜。

蝟皮。赤箭。赤豆。紅。

馬刀石。蟹衣。魚輦。

半夏。南星。通草。同。

凡遇胎前除各味。

又能活潑號良工。

種子補益受胎壽子論

凡妊婦衝任經虛。血氣羸弱。此本來稟賦不足。若一受孕。氣血分而蔭胎。則虛證自然百出。或孕成隨墮。或胎不長。

養。必資藥力以助母安胎。壽子。是以虛人。屢產生子無氣。及育而不壽者。皆父母元氣不足故也。若少男得壯盛之婦爲之配。又能愛精。如持寶計。落紅始盡。婦人雙歲。單月。或單歲。雙月。必經盡。後一三五七。單日。合陽氣。日時而施。受焉。則一舉成男矣。卽婦人雙月。雙歲。單月。單歲。若經期逢。單日。而來。必逢。單日。而止。仍以一三五七日。交合。亦成男。孕。所以往往依俗計算而不準者。此之謂也。此乃陰陽至理。如精養俱足。所稟旣厚。體滿骨堅。何病之有。何用藥爲。自然生子神足無病而有壽。若壯陽弱陰成孕。則母無

餘血以蔭胎。必借藥力滋補。生血培養。方能生子。精神體壯。如弱男衰翁。得壯盛婦女。必須異床寡慾。加以藥味填補精血。等候經期盡而陽施陰受。方能成孕。生子神健易長。若不遠帷幙。相火易動。則陽一舉。卽未交合。而靈精數點。隨痿而出。雖候經期。又何益哉。倘遇強陰氤氲之候。卽或感而成胎。亦必易墮。苟全足月。所生之子。骨少肉多。五遲五軟。勢所必然。又安望其長年耶。經云。陰平陽秘。精神乃治。又曰。因而和之。是爲聖度。焉得而不藉補益之藥力。以回天乎。醫可通神。切勿漫視而忽之。

種子丹 治男子陽事不舉。不能堅久。精薄無子。並

治婦人下元虛弱。不能受孕。服此丹。自能受孕。又

能安胎。

生地 酒洗。擇頂大枝頭。熟地 擇頂大枝頭者。用無

天冬 去心。麥冬 去心。各三兩。

黃柏 十二兩。勻分作四分。酒浸一分。人乳浸一分。童便

鹿茸 一對。重五六兩者。

以上藥味。俱忌鐵器。爲末。煉蜜丸。桐子大。空心鹽湯。或

酒。送服八十九。○鹿茸須擇形如茄子。色如瑪瑙者。看

紫潤圓短者爲上。破之如朽木者良。毛瘦枯縐。尖長生岐者爲下。太嫩者。血氣未足無力。酥塗灼去毛。微炙用。不塗酥。則傷茸。但不可炙焦。有傷氣血之性。亦有用酒炙者。炙後去頂骨。用茸。鹿茸不可喫。喫之有蟲。恐入鼻頰。鹿茸。麋茸。罕能辨別。大抵其質粗壯。腦骨堅厚。毛蒼黧而雜白毛者爲麋茸。其形差瘦。腦骨差薄。毛黃澤而無白者爲鹿茸。鹿茸補督脉之正陽。麋茸補督脉陰中之陽。不可不辨。

種子奇方 此藥艱於子者。服至百日後。擇婦人單

歲雙月。雙歲單月。及經後陽日時。與婦人交。即能受孕。兼胎固子壽。且久服鬚髮不白。顏色如童。

當

歸

分作四分。以童便。乳汁。酒。醋。各浸一分。浸一宿。各晒乾用。

魚

膠

各一觔。

生

地

如當歸治法。

枸

杞

沙苑蒺藜

茯

苓

各八兩。

人

參

四兩。

右末。煉蜜爲丸。桐子大。每服八九十丸。空心煮酒吞之。

坎離丸 烏鬚黑髮。壯筋骨。大有補益。精壯。則婦人

感而受孕。其子必壽。

黑豆 不拘多少、用桑椹汁浸透、蒸熟、再浸、再蒸、共五遍、

右爲末。另用紅棗量足配豆末成丸之數。蒸熟、去皮核、搗如泥。和黑豆末爲丸。或印成餅。隨便食。

延嗣酒 大有補益。早晚男婦各隨量、飲三五杯。婦

人經不對者自正。經正者卽受胎矣。

生地 酒洗、

熟地 九蒸九晒、

天冬 去心、

麥冬 去心、各四兩、

仙靈皮 八兩、飯上蒸、

當歸 二兩、酒洗、

枸杞 一兩、酒浸、

俱切碎。絹袋盛入大罈酒內。重湯煮。自卯至酉爲度。埋土內七日。取起用。

補益大豆方 此方秘傳固精補腎。健脾降火。烏髮黑髮延年。服之既久。與婦人交感有孕。其胎自固而子多壽。

大黑豆 三升

何首烏 四兩。選大而赤者。

茯苓 三兩

青鹽 八錢

甘草 一兩

剉爲片。先晚以磁鉢一個。盛豆入水八碗。用絹包藥置

內。次日以砂鍋內煮。候水乾爲度。去藥不用。取豆畧晒。用磁甌收貯。每早晚白滾湯不時服。

山精壽子丸 此丸能延已壽。而生子又壽。無論有病者宜服。卽無病服之猶妙。凡壯年之男。種玉無成。幼歲之婦。從不受孕。或受胎而中懷墮落。或得正產而又生女匪男。或生而不育。或育而夭殤。卽苟延性命。難免多疾病者。此皆由正陽不足之故。均宜服此丸。

山

藥

二兩五錢。用心結實者。有蛀者勿用。○脾虛易泄瀉者。可加多用。

黃

精

五兩二錢取正者另杵膏待用○若九蒸九晒乾杵末用更好

黑

棗

七兩五錢擇肥大者去皮核及腐爛者另杵膏待用

懷牛膝

一兩五錢去蘆淨酒拌蒸或襯何首烏蒸晒乾用或竟以牛膝易石薺亦可然須加倍用石薺生六

安山中形如蚱蜢髀味茸體粘方正○如孕婦忌用牛膝竟以石薺三兩代之

大何首烏

二兩五錢或三兩亦可用黑豆湯浸軟木棒打碎置瓦器中底注黑豆湯務以豆湯拌濕蒸一

炷線香時候冷取晒俟水乾又拌蒸如是九次夏月一日三四回蒸晒可也晒極乾秤準

川杜仲

二兩炒礪取淨末秤準

川續斷

二兩酒潤剝淨肉剝晒乾

大熟地

四兩煮熟者氣味皆失不堪用必須九蒸九晒爲妙○陰虛之人可用六兩

胎產心法

卷上

種子補益壽子方

六

草覆盆子

三兩五錢，俗名拍盤菓，又名麥泡菓，蔓生，藤葉有刺，葉面青背白，有齒尖，開紫花，結子聚成圓

盆樣子，端有芒，先綠後黃，老熟時紅紫，味甘酸，可生食，四五月熟，取七八分熟者，去蒂，以酒拌

焙乾，研末用。○陽萎者多用。○有一種木覆盆，乃樹上結者，只解酒毒，不補陽，勿用。○有一種

蓬蘽，名稻黃莓，其莖粗高，結子大，八九月熟，色紫黑，感秋陰所成者，亦補陰虛，陽虛不可用也。

○有一種蛇莓，係蔓生草藤，葉無刺，有白毛，結子紅，三四月熟，味淡，除解胃熱外，餘不堪用。

沙苑蒺藜

二兩五錢，其形如猪腰子，半截米大，嗅味似菜豆，炒用。○肝虛滑精者多用。

川巴戟天

二兩，酒浸，去骨，蒸熟，曬乾用。○相火不足者，多加用。

肉蓯蓉

二兩，酒洗，去泥甲，但不可過洗，盡滑膩，恐傷去肉，隔布烘乾，再稱準分兩。

遠志

二兩，甘草湯浸去骨，仍以甘草湯拌炒乾用，取淨肉，稱準。

免絲子

四兩擇色異而大者去淨以布袋盛之洗至水清以瓦器蒸開肚皮杵爛做餅曬乾稱用

白茯苓

二兩選結白者出六英山中或雲南者佳各處市買咀片多有連膜者非爲末水漂其膜不能去然過水力已減矣或用雲南整塊茯苓自去膜用不令見水蓋不切爲片則膜易去

山萸肉

二兩去核取淨肉稱準酒蒸杵爛曬乾○精滑者多用經行多或淋瀝不斷者多用○肝氣抑結者少用

遼五味子

二兩肝氣抑結肺有熱者少用

茸州枸杞

五兩去梗蒂淨

右藥共十八味除精棗二膏餘皆共爲細末徐徐上于精棗膏內杵和極勻加煉蜜爲丸小豆大每早空心百

沸淡鹽湯順下三四錢。久服愈好。○高益謙曰。補陽而專事參附。著硫輩。驟補其火。不惟壯火。食氣難免。陽長陰消。陰不敵陽。而能壽能子。又難。此方藥性不寒不熱。類多平和。補陽不致陰消。久服長年無疾。效過多人。筆難罄書。

補陽益氣煎 此方益氣強陽。服至十劑。頓然改觀矣。再用後丸藥三料。可補氣填精也。

人參

枸杞 酒洗

白朮

楚炒黃 各一錢五分 熟

地

五錢。可加至八錢。九蒸九晒。

巴戟天一錢、可加至一錢五肉苁蓉酒洗、去筋膜鱗甲、

茯神 杜仲鹽水炒斷絲、各一錢

遠志肉七分、甘草水製、肉桂五分、

山萸肉二錢、酒洗、龍眼肉四枚、

用水一碗半。煎至八分。渣再煎服。○弱衰之甚。多服十劑。精濃氣足。

補陽益氣丸 此丸大能填精補氣。雖老年亦能舉子。兼別有妙益。

人參 肉苁蓉酒洗、去鱗甲泥、

白茯苓

白芍藥 酒洗

巴戟天

當歸身 酒洗

麥冬 去心各三兩

大熟地 八兩

山萸肉 蒸去核

白朮 土炒

淮山藥 炒各四兩

川附子 一個重一兩二三錢
童便製去皮臍

鹿茸 一付乳酥炙

紫河車 一具首胎者佳火焙
乾搗粉入藥

肉桂

遠志肉 製

柏子仁 炒研去油

杜仲 鹽水炒斷絲

補骨脂 鹽水炒

五味子

棗仁 炒去殼

炙草 各一兩

砂仁 五錢去殼炒

共為細末。煉蜜為丸。如桐子大。每日空心服五錢。淡鹽湯送下。

濟陰壽子飲 此方大益胎元。而分娩易。生子易育。瘡痘稀。婦人孕成後。每月十五服。弱甚者。一日一服。抑有餘而補不足。加減附於方後。用者擇之。

人參 一錢。弱者倍之。當歸身 土炒

熟地 擇頂大枝頭。無灰酒拌。九蒸九晒。白朮 土炒。各二錢。

胎產心法 卷上 種子補益壽子方 二

川芎八分

紫蘓

陳皮

炙草各四分

大棗一枚。水煎。不拘時食。遠溫服。渣再煎服。○如虛肥

人。陳皮去白。加蜜炙黃芩五分。○泄瀉。加去心蓮子十

枚。帶皮砂仁三分。減地黃。○多怒。加木香二分。磨○口

燥。加去心麥冬一錢。○怔忡。加炒棗仁一錢。益智仁一

錢。龍眼肉十枚。

濟陰大造丸 婦人孕成後。服濟陰壽子飲。兼服此

助胎猶妙。並治產後日久腎虛腰痛。

人參

熟地 各一兩五錢

當歸身 二兩五錢酒洗

麥冬 去心

天冬 去心

山藥 炒各一兩

五味子 五錢

黃栢 八錢

右各爲末。加頭胎壯盛紫河車一具。水洗挑去經絡汚

血淨。酒蒸搗爛。入諸藥末。煉蜜爲丸。如桐子大。每服三

錢。白水。桂元湯任下。早晚俱可服。○如脾胃患瀉。去黃

栢。減地黃。加土炒白朮一兩。

河車大造育麟丸 治婦人血氣不足。苦於小產。或

生而難育。或產下草迷而死。皆氣血虛而胎不旺也。宜服此丸甚妙。

熟地 四兩九蒸九晒

紫河車 一具頭胎肥大者洗淨蒸爛

山藥 炒

白朮 土炒各一兩五錢

茯神

茯苓

人參

棗仁 去殼炒研

麥冬 去心

阿膠 蛤粉炒成珠

續斷肉 酒蒸

杜仲 鹽水炒斷絲

沙參

黃耆 蜜炙

神麴炒

建蓮肉炒

條芩酒炒

白芍藥酒炒

丹皮各一兩

當歸身一兩五錢酒洗

五味三錢炒研

如血不熱。去條芩、丹皮。加肉桂三五錢亦可。蜜丸。梧子

大。早晚秋石、桂元湯任下。每服二三錢。

胎動安胎論

妊娠胎動。有傷仆忤觸動而不安者。人皆見證施治。故無差謬。若內傷而動。所因不同。治法亦異。人多錯誤。雖然。要

不外乎虛實寒熱四端。人能察其病之所由而調劑焉。自無不安者。所以安胎之方。不可執一。若泥定某經月數。按月用藥。猶膠柱鼓瑟。執滯而不通矣。考安胎之藥。方書多用清涼。然間有宜用溫補者。不可不知。如虛而不安者。或衝任不足。受胎不實。或脾胃氣虛。不能提固。又或由色慾勞倦。飲食七情所傷。務須分別。在氣在血。虛熱虛寒。或假寒假熱。察其所由。隨其疾苦而調之。虛者補之。治無不效。仍加戒慎可也。如實而不安者。或由食滯氣滯。或由於鬱怒傷肝。鬱結傷脾。觸動血脈不安。須察其由而開之導之。

可也。如寒而不安者。或吐酸嘔惡。喜熱畏寒。下寒泄瀉。或
慣於小產。虛寒滑脫。屢用清補安胎而不效。脉必現沉微。
細弱。此屬陽虛寒證。宜用溫中安胎可也。余內人屢患小
產。卽遠房幃。慎起居。擇專門女科調治。總皆罔效。余雖稍
通醫理。奈因王事執掌。焉能如業醫者之臨證多而機神
熟耶。爰專任於醫。乃屢安而屢墮。前後凡五次。比觀其方。
不過清熱養胎。補氣血。澁滑脫而已。迨後復有孕。余自診
視。其脉微弱。及時大補。至七十日。如期而仍下血。腰痠而
腹不痛。此正合產書云。胎動胎漏。皆能下血。胎動腹痛。胎

漏腹不痛。胎動宜調氣。胎漏宜清熱。然前已用清熱罔效。余因而思及小產既多。陰血虛寒而滑脫。陽氣虛寒而不固。爰用溫中之法。以薑炭、桂炭。加於參、朮、歸、蓍、地、續、膠、艾之中。又取紅見黑止之義。不數劑而血止胎安矣。因悟及古人之治惡阻。必用二陳、六君、生薑、半夏之屬而愈。則知胎亦有用溫中而安者。槩可徵矣。若夫胎熱而不安者。或煩熱渴燥。或漏血溺血。或信用煖補之藥。反受其害。動而不安。須用清熱養血可也。此虛實寒熱之各異如此。但有因母病而胎動者。治其母病而胎自安。有因胎動而及母。

病者。當安其胎。則母病自愈矣。凡胎動而輕。轉動不安。或微見血。察其不甚者。速用安胎飲安之。若腹痛腰痠下墜。勢若難留者。用佛手散。胎未損。服之可安。已損。服之可下。下後。隨證調補之。醫者當細心詳審。圓機活法。以施治。庶得保全八九。若漫執一偏之見。虛其虛而實其實。豈非欲留而反驅之。其能無慙於衾影耶。考之保產內有云。妊娠受胎兩三個月。胎動不安。蓋由子宮虛。血海虛。多令胎墮。其危同於風燭。非正產可比。若妊娠曾受此苦。可急用杜仲丸。預服。以保胎元。余常遵丹溪先生定安胎飲。諸

方。治孕婦虛弱。胎氣不安。飲食不美。常多小產。或腹痛。腰
痠疼痛等證甚效。又曾用黑白安胎散一方。以救貧乏之
人。每治胎動奇驗。今再擇脩用諸方。加減用法于後。便於
隨證去取耳。

丹溪安胎飲 治孕成後。胎氣不安。腰腹作痛。飲食
不美。孕至五六月後。並宜服之。

人參 一錢

白朮 土炒

當歸 酒洗

熟地 各二錢

川芎

條芩 各八分

砂仁 三分帶殼

陳皮

紫蘓

炙草 各四分

引加薑一片。棗二枚。水煎服。○一方無砂仁。有炒白芍。
加味安胎飲 治孕婦元氣不足。或胎動不安。或身
熱食減。並皆治之。

人參

當歸身 酒洗

熟地 各二錢

麥冬 一錢去心○如煩渴
加用

條芩 八分

白朮 一錢五分土炒

陳皮

紫蘓

炙草 各四分

不用引。水煎服。

加減安胎飲 治孕婦腹中作痛。小腹重墜。血虛氣

陷之證。

人參 一錢五分

熟地

白朮 土炒

當歸身 酒洗各二錢

川芎 八分

紫蘓

陳皮

炙草 各四分

薑一片。水煎服。○寒。加吳茱萸 一錢。砂仁、乾薑、各五分

安胎萬全飲 如脾胃氣弱。不能管束其胎。血弱。不能滋養其胎。不以日月多少而常墮者。此湯主之。更兼服杜仲丸、胡連丸佳。

人參

白朮 土炒

當歸身 酒洗

生地

條芩 微炒

陳皮

白芍藥 酒炒、各一錢

砂仁 帶殼搥碎

炙草 各五分

薑三片。棗二枚。水煎服。

杜仲丸

附千金保孕丸

治胎動不安。腰痠疼痛。須防

墮胎。宜服此丸。與胡連丸同日服。更妙。早空心服。

杜仲丸。晚食前服胡連丸。

杜

仲

薑汁炒去絲

川續斷肉

酒洗各二錢

共爲末。煮棗肉杵和爲丸。梧子大。每服三十丸。米飲下。

○保孕丸內。杜仲再加

二兩。用糯米炒去絲。

以山藥糊

丸。治妊婦腰背痛。苦於小產。

胡連丸 安胎聖藥。與杜仲丸同日服。

條

芩

四兩。沉水者。

白 朮

土炒。

蓮肉 去心各二兩

砂仁 微炒

炙草 各一兩

共爲末。山藥 五兩 作糊爲丸。如棗豆大。米飲下五十丸。

黑白安胎散 治胎動不安。

白朮 土炒 懷熟地黃 九蒸九晒各一兩

水煎服。○此方妙在用白朮以利腰臍。熟地以固根本。藥品少而用專。所以取效神也。○白朮用五錢亦可。

加味四物湯 治因房事過度。觸動胎氣不安者。

歸身 酒洗 熟地

阿膠 蛤粉炒珠各一錢

砂仁 炒

炙草 各五分

竹茹 一團

水煎。調男子裊襠灰 一錢。服。更禁房事。

四物湯 治七情觸動胎氣不安者。以四物爲主。按證加入各藥。

生地 酒浸

歸身 酒洗

白芍藥 酒炒各一錢

川芎 八分

此四物湯本方。薑棗引。水煎。食前溫服。○如因怒傷肝者。加炒黃芩 一錢五分。人參、柴胡、甘草 各一錢。○因憂

悲傷肺者。加炒黃芩、炒阿膠、蘓葉各一錢。五味子十三

粒。炙草五分。○因恐傷腎者。加製續斷、炒黃柏、炒杜仲

各一錢。五味子十五粒。改生地為熟地。○因思慮積火

不解傷脾者。加土炒白朮一錢五分。人參、陳皮、製香附

各一錢。炙草五分。○因喜樂太過傷心者。加條芩、黃連、

土炒白朮、去心麥冬各一錢。炙草五分。○因跌撲觸動

者。安胎飲主之。歸身、炒白芍各一錢。土炒白朮、黃芩、蘓

葉各一錢五分。炙草、砂仁各五分。

芩朮安胎飲 妊娠安胎主方。加減法開後。

白 朮

米泔水浸一宿去蘆切片晒乾黃土炒香如脾脉虛弱細軟緩大無力外證飲食少進惡心嘔吐泄瀉等證用一錢五分或二錢若氣體強壯或氣鬱壅滯胸腹膨悶脹滿作痛或素有奔豚積聚上攻者忌用

條 芩

如脉洪盛有力素多內熱用一錢五分或二錢如氣體虛寒脾肺脉弱嘔噦泄瀉者忌用

當 歸 身

酒洗一錢五分或二錢如嗽有痰喘嘔噦泄瀉者忌用如止有泄瀉而無別證以黃土炒用

帶 殼 砂 仁

微炒五分或七分內熱者三四分

生 知 母

一錢素多內熱者或用一錢五分或二錢如氣體虛寒嘔噦泄瀉者忌用

炙 甘 草

三分或四分

以上各稱準水煎食遠服○如脉弱虛細或緩大無力

飲食減少。口不知味。瘠薄泄瀉者。加人參 一錢。或一錢

五分。炒白朮 一錢。或一錢五分。或二錢。白茯苓 一錢。廣

皮 七八分。炒條芩 一錢。去知母。○如血虛內熱。肝腎脉

洪數無力。腰疼。腿膝痠軟無力者。加熟地 三五錢。或七

八錢。生地 二三錢。酒洗芍藥 一錢。或一錢五分。炒杜仲、

酒洗當歸 一錢。或一錢五分。炒續斷 一錢。○如肝腎脉

虛細濡弱。腰疼。腿膝麻木冷痛。加熟地 三五錢。或七八

錢。川芎 八分。製續斷肉 一錢。鹽水炒杜仲 一錢五分。酒

洗歸身 一錢五分。或二錢。去知母。○如胸腹脹悶。加麩

炒枳殼七分。製大腹皮八分。醋製香附米七分。○如素

多鬱怒。加蘓梗八分或一錢。醋製香附米八分或一錢。

小柴胡七八分。酒洗撫芎七分。○如嘔噦。加藿香八分。

或一錢。竹茹六七分。製透半夏八分。陳皮八分。帶殼砂

仁四五分。煨薑三片。去知母。○胃寒嘔噦。去條芩。知母。

竹茹。加製去黃水吳茱萸三分。○如虛煩。加去心麥冬。

一錢。竹茹七分。○咳嗽。加去心麥冬一錢。蜜炙桑白皮

八分或一錢。去皮尖杏仁八分。前胡一錢。麩炒枳殼八

分。○如小便淋瀝不通。加車前子一錢。赤苓一錢。木通

七分。甚者加滑石 一錢五分或二錢。○如胎動下血倍

加生知母。紋銀 一小錠。忌鐵器。

紫蘓飲 治妊娠臨月浮腫喘脹。並子懸證。胎不安。

上疔作痛。或臨產氣結不下等證。

當歸 酒洗。紫蘓

川芎 芍藥 酒炒。

陳皮 大腹皮 黑豆水煮製淨各一錢。

人參 炙草 各五分。

引加生薑 三五片。葱白 七寸。水煎服。○一方有香附。無

人參。○若肝脾氣血虛而有火不安。宜兼逍遙散。若脾氣虛弱不安。宜用四君芎歸。○感冒風寒。去腹皮。加香豉。○胎動不安。加炒黃芩。土炒白朮。○胎不運動。加木香。砂仁。○肥盛氣滯。加製半夏。製厚朴。○虛羸少氣。加土炒白朮。倍人參。

保胎神效丸方

白茯苓 二兩

條 芩

揀實心細條。酒拌炒。

白 朮

米泔浸一宿。去皮切片。晒乾。同黃土炒。

香附米

童便浸二日。炒熟。

延胡索

陳米醋拌炒。

紅 花

隔紙烘燥。

益母草

淨葉各一兩

沒

藥

三錢用新瓦上隔火焙去油

右各製度爲末。蜜丸桐子大。每日空心白湯服七丸。○
前藥不可因其丸小。加至七丸之外。凡孕婦胎不安者。
一日可服四五次。安則照常。如遇腹痛腰痠。或作脹墜。
宜卽服之。如受胎三五月常墮者。須先一月製服。能保
足月。甚至見紅將墮者。急服此丸。亦能保留。謹戒惱怒
勞力。忌食煎炒。椒辣。發氣。閉氣。糟味。冷水。冷物。切忌房
勞。每藥一料。可保數胎。

佛手散

見本卷諸痛門

惡阻論

惡阻者。謂有胎氣。惡心阻其飲食也。妊娠稟受怯弱。中脘宿有痰飲。便有阻病。其證顏色如故。脉息平和。但覺多臥少起。肢體沉重。頭目昏眩。惡聞食氣。喜噉酸醎。或嗜一物。或大吐。或時吐痰與清水。甚者。或作寒熱。心中憤悶。嘔吐痰水。胸膈煩滿。恍惚不能支持。此皆胃氣弱。而兼痰與氣滯者也。亦有素本不虛。而一受胎孕。則衝任上壅。氣不下行。故嘔逆者。又有由經血既閉。水漬於藏。藏氣不宜通。故心煩憤悶。氣逆而嘔吐。及三月餘。而嘔吐漸止。蓋三月相

火化胎之候。未能上食於母。血氣未用。五味不化。中氣壅實。其爲鬱滯痰火穢惡之氣。盡衝於胃。所以有惡阻等證。及三月後。胎元漸大。則臟氣僅供胎氣。不有鬱滯。自無暇上逆矣。亦有不拘強弱。間有不病者何也。凡婦人無病。不分強弱。俱能受孕。懷子病月。不在形之強弱。在於臟腑虛實。如中宮氣健。胃中宿無痰飲。清濁自能升降。不令穢氣上壅。自無惡阻等證。卽俗謂胎氣好也。又婦人懷子。喜食酸醎果實爲何。蓋陰陽交合。受胎於腎。生化於肝。二臟皆供給於胎。則肝腎不足。故喜食酸醎以自救也。以上諸證。

輕者不須服藥。乃常病也。重者須少藥調之。宜用加味參橘飲。考之古人有用半夏茯苓湯。茯苓丸。專治惡阻。又有用白朮散。人參丁香散。人參橘皮湯。醒脾飲。其中不用半夏。恐胎初結。半夏性能動胎。慮其辛燥易散。但惡阻又非半夏不止。須薑汁炒以製其毒。故仲景用人參半夏乾薑丸。羅謙甫用半夏茯苓湯。朱丹溪謂肥人多痰。瘦人多火。用二陳加減。治胎前惡阻。痰逆嘔吐。心煩頭眩。惡食俱效。經云有故無殞是也。立齋云半夏乃健脾胃氣化痰滯主藥。脾胃虛弱嘔吐或痰延壅滯飲食少胎不安必用半夏茯苓。

苓湯倍加白朮安胎健脾常用甚驗也惡阻兼腰痛者防胎墮下猶宜二陳四物加條芩白朮和中理脾爲主不可升舉蓋嘔逆氣已上升再用升藥則犯有升無降上更實而下更虛益促其墮矣再若左脉弱而嘔服諸藥不止者當服理血歸原藥則愈經云無陰則嘔是也後選脩諸方用者擇取可耳。

加味參橘飲 治孕成兩三月後惡阻嘔逆惡食或頭眩暈倦怠者。

人參一錢

歸身酒洗

白 朮

土炒各二錢

半 夏

八分製

橘 紅

藿 香

炙 草

各四分

砂 仁

三分碎

竹 茹

一團

加薑一片。水煎服。○肥人加竹瀝一盞。薑汁一匙。

止嘔安胎飲 治孕婦嘔吐百藥不效服此即愈。

人 參

青 皮

麩炒各五分

廣 皮

半 夏

製

白茯苓

各八分

吳茱萸

湯泡去黃水微炒

炙草 各三分

加煨薑三片。水煎徐徐溫服。

歸原散 治妊娠惡阻嘔吐不止。頭痛全不入食。服諸藥不止者。

人參

川芎

歸身

白芍

丁香

炙草 各五錢

茯苓

白朮 土炒

陳皮

各一兩五錢

半夏 一兩製

桔梗炒

枳殼麩炒各二錢五分

共爲細末。引用薑五片。棗一枚。水煎調。每服三錢。○方內丁香。不若易以砂仁。或荳蔻爲穩。如果胃寒之甚。用者亦詳慎之。

自此以下諸方。出自濟陰綱目。擇錄以脩採用。

參橘散 治妊娠惡阻。吐逆痰水。不食。心虛煩悶。

人參

橘皮去白

茯苓

麥冬去心

白朮

土炒

厚朴

薑汁製各一錢

炙草 五分

竹茹 一團

引加生薑三片。水煎服。

青竹茹湯 治妊娠惡阻。嘔吐不食。此方清而不寒。

竹茹 彈子大一團

橘皮

白茯苓 各一錢五分

半夏 製

生薑 各二錢

水煎。溫服。忌羊肉、鷄、魚、麪食。○全書加粳米一撮。

橘皮湯 治妊娠嘔吐。不下食。

人參

竹茹

橘皮

白朮 土炒各二錢

生薑 一錢

厚朴 一錢五分製

水煎服。○惡阻惡食。責之脾。虛嘔吐。責之有火。所謂諸逆衝上。皆屬于火也。此方竹茹能平少火。厚朴能下逆氣。橘皮生薑所以開胃。人參白朮所以益脾。開胃益脾。欲其安穀云爾。

二香散 治妊娠胎動不安。氣不升降。嘔吐酸水。起坐覺重。

香附子 一兩製

藿香葉

甘草 各二錢

右爲細末。每服二錢。不拘時。沸湯調下。

保生湯 治妊娠惡阻。少食。嘔吐。或兼吐瀉。作渴。

人參 一錢

白朮 土炒

香附 製

橘紅

烏梅 一方作烏藥

炙草 各五分

加生薑。水煎服。○覺惡心嘔吐。加丁香。予謂不若易砂仁。七粒。爲穩。○吐瀉作渴。則效。在烏梅矣。作烏藥者。非。

半夏茯苓湯

治妊娠惡阻。嘔吐。心煩。頭目眩暈。惡聞食氣。好食酸醎。多卧少起。百節煩痛。羸瘦有痰。胎孕不牢。

人參

白朮土炒

陳皮各一錢

熟地胸滿者去之

旋覆花無痰涎不用

桔梗

半夏湯泡七次。薑汁炒黃。
白芍酒炒

川芎
炙草各五分

加生薑三片。水煎。空心服。○千金方。無旋覆花。有紫蘂葉。細辛。○有熱。加炒黃芩。○有客熱。煩渴。口瘡。去橘皮。

細辛。加前胡、酒炒知母七分。○若腹冷下利。去地黃。加

炒桂心五分。桂心炒用。卽不墮胎。然非真腹冷下利者、

不宜。○若氣逆作脹者。加麩炒枳殼、蘓梗、製香附。

小和中飲 治妊婦胎氣滯滿。飲食停滯作脹。

陳皮 茯苓

厚朴 薑汁製、各一錢五分、山查

扁豆 炒各二錢、炙草五分

水一鍾半。加生薑三五片煎服。○如嘔者。加製半夏一

二錢。○如脹滿氣不順者。加砂仁七八分。○如火鬱於

上者。加焦梔子一二錢。○如婦人氣逆血滯者。加紫蘓梗。製香附之屬。

以下二方。出全書新方。錄之以備採擇。

六味異功煎 治妊婦胃虛兼寒。多嘔者。

人參 二三錢、
白朮 土炒、

茯苓 各二錢、
乾薑 一二錢、炒黃、

陳皮
炙草 各一錢、

水一鍾半。煎服。

理陰煎 附附子理陰煎。○六味回陽飲。治妊婦肝腎

陽虛作嘔者。此理中湯之變方也。

熟地

三五七錢。或一二兩。當歸 二三錢。或五七錢。

乾薑

一二三錢。炒黃。

炙草 一二錢。

水二鍾。煎七八分。熱服。治雜證。此方內或加肉桂 一二

錢。○加製附子。即名附子理陰煎。○加人參。即名六味

回陽飲。治命門火衰。陰中無陽等證。

良方半夏茯苓湯 治妊娠脾胃虛弱。飲食不化。嘔

吐不止。

半夏

湯泡七次。薑汁炒黃。

陳皮

砂仁

炒各一錢

茯苓

二錢

炙草

五分

右用薑棗烏梅水煎服。○有煎服一二劑後用茯苓丸。

茯苓丸 治妊娠煩悶頭暈聞食吐逆或胸痞痞悶。

人參

赤茯苓

桂心

橘紅

半夏

湯泡七次薑汁炒黃

乾薑

炮各一兩

白朮

土炒

枳殼

麸炒

炙草

各二兩

右爲末。煉蜜丸。梧子大。每服五十丸。米飲空心下。日三服。○必脉遲證寒方用薑桂用者宜詳審之。○右原方有葛根二兩似非所宜故不開入方中。○一方加去心麥冬。○肘後方加北五味子。

苦柚单方 治妊婦惡阻嘔吐不食頭暈不敢行步。

苦柚皮 不拘多少

右一味濃煎湯飲數盞卽愈吐甚者加薑汁。

胞漏並小產論

凡妊娠經水壅之以養胎畜之以爲乳其衝任氣虛不能

約制。故月水時下。名曰胞漏。血盡子死。然亦有姙婦血盛。月信常來而胎不動。俗呼狗兒胎也。若以漏胎治之。則胎必墮。若不以漏胎治之。其胎未必墮。亦有脉見滑數而別無風熱病。經脉如常。但較前畧少。此因胎小。血盛有餘。而然。俟遲至三四月外。兒大能飲。經脉自止。今常見懷胎七八月而生子者。人但以血止爲度。謂之不足月。然其受胎於未止之前。至此而足月。人實不知也。又有壯盛孕婦。按月去血。點滴若無。腰痠胎動。不須服藥。此血氣強盛。孕至四五月後。自然經止。如孕婦虛羸。腰常痠痛。並胎動而按。

月。下血點滴。或下血不止。此非血有餘。乃胎漏也。宜服加味補中安胎飲。又云。胎漏多因於血熱。然亦有氣虛血少。服涼藥而下血益甚。食少體倦者。此脾氣虛而不能攝血也。宜歸脾等方加減。當以脉候察之。凡墮胎之病。多在三五七月。如前次三月曾墮。後必如期。乘其所虛而亦墮。必預服尊生安胎飲。或胎元飲加減用之。或泰山磐石散。安胎萬全神應散等方。對證擇用以預防之。須常服過七月。可無患矣。更宜戒房慾。氣惱。勞役。熇灸。諸食。又有受孕一月卽墮者。人皆不覺。止知其爲按月經行。不知暗墮于中。

矣。凡人經盡初交得孕。後最宜將息。絕慾若再交接。以擾子宮。其胎或一月三月。必墮。試思驢馬有孕。牡者近則踢之。名曰護胎。所以絕無小產之患。人可不慎歟。至若勞怒舉重。亦墮。洗下體。則竅開。亦墮。今之無子者。大半一月墮胎。非盡不受孕也。至於頓仆傷動胎氣。宜服膠艾安胎散。三四月前胎未成形。名曰墮胎。至五六月後胎已成形。名曰半產。俗人均曰小產。總屬妊婦氣血虛弱。胎元不固。蓋氣虛則提攝不固。血弱則灌溉不周。多致小產。況婦人腎以繫胞。而腰爲腎之府。腰痛則墮不可不防。凡治胎漏。

者當預培其根。宜用千金保孕丸。又有止漏絕神丹。治漏胎甚效。大凡孕婦暴下水者。其胎必墮。若徐徐下水。可用補氣安胎藥治之。有胎漏黃漿。或如豆汁。胎動腹痛。乃肝脾濕熱。用升陽除濕湯。大全治用黃蓍一兩。川芎一錢。糯米

一合。煎服。要知小產與大產不同。大產如菓熟自脫。小

產如生採之。破其皮。殼斷其根。蒂忽畧。成病者不少。因而致死。者恒多。然此證始因飲血以成胎。繼因精血以長養。終因精血不足而萎墮。故瘀血甚少。倘有腹痛成塊有形。多屬血虛氣逆。惟。有先用生化湯去瘀生新。爲妙。後須大。

加溫補。若但知消瘀破滯。則逆氣愈攻。而愈升。多致不救。戒之。戒之。妊婦三月後。尺脉或濇。或微弱。胎必不固。惟脉洪盛者。胎不墮耳。所以脉訣內云。胎脉弦牢滑利安。沉細而微歸泉路。正此之謂也。雖半產皆氣血不足。然有稟質偏陰偏陽。或寒或熱之異。自當憑脉調治。如陰虛內熱。而用艾附白朮砂仁溫煖之劑。則陰道愈消。如草木之無雨露。自然枯萎。如陽虛內寒。而用芩芍涼血之劑。則脾胃虛寒。氣血亦弱。猶菓實春夏易生。秋冬少結也。總之三月以前。宜養脾胃。四月以後。宜壯腰腎。補血順氣。佐以清熱。此

大法也。

加味補中安胎飲 凡孕婦元氣壯盛。受胎後。尚有經來幾點。乃血氣盛故耳。若不腰痛腿痠。不必服藥。如虛羸孕婦。下血不止。或按月去血點滴。名曰胎漏。多因勞而氣血兩虛。或喜食煇炙熱物過多。而致。宜謹房事。並服補藥以保全也。

人參 一錢

白朮 土炒

當歸 酒洗各二錢

川芎

黃芩 各八分

紫蘇

陳皮

砂仁碎

炙草

各四分

薑一片。水煎服。渣再煎。

歸脾湯

附加味歸脾湯。○濟生歸脾湯。

治心脾鬱結。

經閉發熱。并治脾虛不能攝血。致血妄行。及經帶胎漏等證。由于勞傷心脾。發熱體倦。食少不眠。怔忡。驚悸等證。

人參

白朮

土炒

茯神

棗仁

炒

龍眼肉 各二錢

黃耆 一錢五分炙

歸身 酒洗

遠志肉 甘草水製各一錢

木香

炙草 各五分

薑棗引。水煎服。○加柴胡、梔子。名加味歸脾湯。○柴胡、易丹皮。名濟生歸脾湯。

尊生安胎飲 治血虛有火。曾三個月墮胎。宜服此方。並預防五月七月之墮。亦治胎動胎漏。

歸身 酒洗

白芍 酒炒

熟地

生地

砂仁

阿膠炒珠各一錢

杜仲鹽水炒去絲

白朮土炒各二錢

條芩一錢五分

續斷肉八分酒製

川芎

陳皮

蘼梗各五分

水煎服。○見血加炒地榆炒蒲黃各一錢。○腹痛或下

墜。砂仁、白芍、熟地倍加分兩服之。○用棗肉爲丸服亦可。

景岳胎元飲 治婦人衝任失守。胎元不安。不固。隨

證加減。或間日。或二三日。服一二劑。

人參 隨宜

當歸 酒洗

杜仲 鹽水炒斷絲

白芍 酒炒各二錢

熟地 二三錢

白朮 一錢五分土炒

陳皮 七分無滯者不必用
炙草 一錢

水二鍾。煎七分。食遠服。○如下元不固而多遺濁者。加炒山藥。炒補骨脂。五味之類。○如氣分虛甚者。倍白朮。加炙黃耆。但耆朮氣浮。能滯胃口。倘胸膈有飽悶不快者。須慎用之。○如虛而兼寒。多嘔者。加炮薑 七八分。或

一二錢。

○如虛而兼熱者。加酒炒黃芩。一錢五分。或加

生地。二錢。

去杜仲。○如陰虛小腹作痛。加枸杞。二錢。○

如多怒氣逆者。加製香附無妨。或砂仁亦妙。○如有所

觸而動血者。加製續斷肉。炒阿膠。各一二錢。○如嘔吐

不止。加製半夏。一二錢。生薑。三五片。

泰山磐石散。治婦人血氣兩虛。或肥而不實。或瘦

而血熱。或肝脾素虛。倦怠少食。屢有墮胎之患。此

方平和。兼養脾胃氣血。覺有熱者。倍黃芩。少用砂

仁。覺胃弱者。多用砂仁。少加黃芩。更宜戒慾事惱

怒。遠酒醋辛熱之物。可永保無墮。

人參

黃耆蜜炙

當歸酒洗

川續斷製

黃芩各一錢

白朮二錢土炒

川芎

白芍酒炒

熟地各八分

砂仁

炙草各五分

糯米一撮

水一鍾半。煎七分。食遠服。但覺有孕。三五日常用一服。四月之後。方無虞也。如傷五七月胎。卽服。過七月之後。

方。妙。○徐東臯曰。婦人凡懷胎二三個月。慣要墮落。名曰小產。此由體虛。氣血兩弱。藏府火多。血分受熱而然。醫家又謂安胎。宜用艾附砂仁。熱補。猶增禍患。而速其墮矣。殊不知血氣清和。無火煎爍。則胎自安而固。氣虛則提不住。血熱則溢妄行。欲其不墮得乎。香附雖云快氣開鬱。多用則損正氣。砂仁快脾氣。多用亦耗正氣。況香燥之品。性傷氣血。求以安胎。適又損胎。而反墮也。今惟太山磐石散。千金保孕丸。二方能奪化工之妙。百發百效。萬無一失。故表出。以爲好生君子共知也。

安胎萬全神應散 治孕婦三月前後。或經惱怒。或行走失足。跌損傷胎。腹痛腰脹。一服即安。雖然見血。一二日未離宮者。加一劑自安。倘先三四月內。已經半產過者。將及前月分。畧覺腰骨痠脹。忙服一劑即安。萬全秘傳。驗過多人。

當歸

酒洗

白朮

土煨

條芩

酒炒各一錢

熟地

八分薑汁再浸

白芍

炒

杜仲

鹽水炒去絲

阿膠

蛤粉炒成珠

茯苓

嫩黃蓍

蜜炙各七分

川芎

六分

砂仁

五分連殼碎

炙草

三分

酒水各一碗煎八分空心服。○如急痛將銅鍋煎一鍾。

卽服立止。○胸前作脹加紫蘓陳皮各六分。○白帶或

紅多加蒲黃炒阿膠炒地榆各一錢艾葉七分。○見紅。

加製續斷肉一錢糯米一百粒。

鳳衣散 治三五月小產。

用頭生鷄子。抱出小鷄之蛋殼陰陽瓦焙黃研末。如前次小產在何月分至時預先以無灰酒衝服可免小產。

芎根湯 治孕婦受胎數月後。胎動漏胎。及子懸證。

野苧麻根。孕一月。用一寸。加金銀煎湯。服之立安。

膠艾安胎散 治孕婦頓撲動胎。下血不止。

人參

條芩

阿膠

蛤粉炒成珠各一錢

白朮

一錢五分土炒

當歸

酒洗

熟地

各二錢

川芎

艾葉

各八分

陳皮

紫蘓

炙草

各四分

薑一片。大棗二枚。水煎服。

增損八物湯 治妊娠漏胎。氣血兩虛。胎中有熱。下元不固者。

人參

白朮 土炒

歸身 酒洗

白芍

熟地

艾葉

條芩

黃柏

知母

阿膠 蒲黃炒成珠、去蒲黃不用

炙草 各等分

薑棗引。水煎食遠服。兼用杜仲丸。

止漏絕神丹 治胎漏下血。安胎更妙。

白 朮 五錢、土炒、

熟 地 一兩、

三七根末 三錢、

水煎服。此方妙在三七末。乃止血神品。故用之奏效。

千金保孕丸 見本卷安胎門附杜仲丸下

生化湯 見下卷生化湯論後

諸痛論 附孕癰

妊娠頭痛多因血虛有火。用四物湯加減。若宿有偏正頭

風。宜川芎茶調散。若外感頭痛。加味芎歸湯。

妊娠心腹痛。或宿有冷痞痰飲結聚。或新觸風寒。邪正相擊。並於氣。隨氣上下。上衝於心。則病心痛。下擊於腹。則病腹痛。痛不已。則胎動不安。如傷心正心痛。則旦發夕死。夕發旦死。如傷心支絡。則乍安乍作。醫通用正氣散加減。曾生治心痛。用定痛延胡散。醫通又曰。胸腹膨滿。按之而痛。乃飲食停滯。用人參養胃湯。按之不痛。乃脾胃受傷。以六君補之。腹中滿痛。義心不得飲食。千金芩朮芍藥湯。如不時腹痛。名曰胎痛。有血虛。有氣滯二因。然血虛居多。用熟

地三錢。當歸一錢。煎湯治之。不應加參、朮、陳皮、丹溪用四

物。去川芎。倍加熟地。醫通用四物。加香附爲末。紫蘓湯下。若氣滯者。紫蘓飲治之。若痛而重墜。因中氣虛陷。用補中益氣湯。

如胃[△]口[△]痛。多因脾虛。存食不消。宜養胃消食。綱目用平胃散。加枳殼、山查。予謂平胃散恐致損胎。非所宜也。宜養胃湯加減。

妊[△]娠[△]脇[△]痛。有因哭泣。因內傷。因惱怒。不宜破氣。宜用童便和酒服之。或紫蘓飲。去參。用白芍、當歸。加砂仁、童便。

妊[△]娠[△]臍[△]下[△]冷[△]痛。腹脹虛疼。小便頻數。大便虛滑。皆食生冷。

所致。小建中加炮薑、木香。不應。更加茴香、良薑。

妊娠少腹痛。虛熱。紫蘓飲。虛寒。膠艾湯。若小腹近下處腫脹。浮薄發光者。孕癰也。千金托裏散。或薏苡仁煎汁飲。若心腹急痛。煩悶面青。冷汗氣絕。血下不止。其胎上衝者。不可治也。

妊娠腰痛。有腎虛作痛。則脉大而痛不已。急服八珍。加膠艾黃芩。或紫蘓飲加減。有勞力任重。致傷胞繫。欲脫。宜安胎飲。加杜續。有房事不節。致傷胞繫。用熟地、當歸、阿膠、砂仁、竹茹、炙草。調男子衲當灰一錢服。禁房事百日要緊。有

濕熱脉緩遇天陰或久坐而痛多下白物二妙散加柴胡
防風茯苓半夏有寒濕腰重如帶物而冷者用紫蘓飲加
減易健脾溫燥藥有氣血凝滯脉澀而日輕夜重不得卧
遍身拘急不舒而痛眼生黑花紫蘓飲加枳殼桔梗有膀
胱風邪頸項強直用獨活寄生湯有閃剄脉實膠艾芎歸
湯或佛手散或熬枯黑糖衝童便酒調服有因毒藥者宜
阿膠散或捷徑方或三物解毒湯選用有走注痛敗血入
經之證四烏湯加薄桂杜續有臨產腰痛如脫腎者乃將
產也勿作尋常腰痛論產下卽平復矣不必用藥治也

妊娠背脊痛氣滯也紫蘓飲治之。

妊娠腰腹及背痛。夫腎主腰。勞損經虛。風冷乘之。則腰痛。乘虛入腹。則腹痛。故腰腹相引而痛。痛不止。恐墜胎。又有勞傷腰腹背痛。補中益氣加杜續。然多有因病淋證而痛者。宜體察之。止用加味導赤湯治淋。淋止痛除。如勞傷元氣。八珍加杜仲、砂仁、膠艾。如脾腎不足。再加白朮補骨脂。如傷外邪。獨活寄生湯。若氣血鬱滯。紫蘓飲加枳桔。如肝虛有火。小柴胡加白朮、枳殼、山梔。如肝脾鬱結。歸脾湯加柴胡、枳殼。

妊娠環跳穴痛屬腎虛宜六味地黃湯加杜續或千金保孕丸。

妊娠目赤痛咽喉痛口鼻唇舌瘡痛俱用涼膈散加減。

妊娠負重跌蹠凝血作痛欲服活血藥則恐傷胎不服則所傷之血留而不去治之者當先辨胎之死生如無別證。

只用黑糖熬枯入陳酒童便調服細嚼連皮胡荽過口死者當下生者其痛即止若因怒跌蹠或手足抽搐者紫蘓。

飲加鉤藤鉤倘去血過多八珍湯去茯苓加阿膠艾葉黃耆如跌蹠餘傷未盡痛未止用四烏湯加延胡木香如傷。

去而胎氣未安。紫蘓飲。加童便。砂仁。如傷重者。香殼散。加熟地。當歸。以護胎。若勢劇者。下瘀血湯。加芎歸酒煎。以去血。則胎自安。此藥峻厲。必須詳慎。若昏睡語言如狂。此血迫心胞。當歸活血湯。如腹中重墜。按之冰冷。此胎氣已傷。急用香桂散。加酒大黃。生附子下之。若口中覺穢氣者。急用平胃散。加芒硝下逐之。予謂下胎。莫妙佛手散。卽香桂散。亦能下胎。又何用大黃附子以助之。然已上四烏。香殼。下瘀。當歸。活血。香桂。平胃。等方。不可輕用。少可得已。只用熬枯黑糖酒。便調服。爲妥。或嚼連皮胡朮助之。諸方錄後。

以備參考可耳。慎勿輕視佛手香桂而妄用猛峻傷生。
妊娠遍身痛。或衝心欲死。不能飲食。緣胎有水致痛也。用
白朮五錢。黃芩二錢。白芍四錢。入活鯉魚約重半斤外一
尾。煮湯代水煎服。此卽胎水證。當入本門。因有遍身痛證。
故移錄於此。以備採取治痛也。

川芎茶調散 治久風化火頭痛。及偏正頭風。

川芎

白芷

羌活

防風

荊芥

薄荷

炙草

各一兩

香附

二兩 童便浸炒

爲散。食後茶清調服二錢。日三服。婦人產後。豆淋酒服。輕者三服。重者五七服效。

加味芎歸湯 因虛外感頭痛服此。

川芎

當歸

各一錢五分

條芩

酒炒

白朮

土炒 各一錢

細芽茶

二錢

水煎。食後服。

藿香正氣散 治孕婦心腹痛。多寒多食。加減用之。

白朮 土炒

厚朴 去皮薑汁製

陳皮 去白

藿香

紫蘓

半夏 製

茯苓

白芷

桔梗

炙草

大腹皮

古方無大腹皮有蒼朮

薑棗引。水煎服。○寒加木香、炮薑。○食積發熱加芩、連、
炮薑。○氣加砂仁、香附。○痰加橘紅、生薑。

尊生定痛延胡散

延胡三錢醋炒

乳香五分

歸身

炙草各一錢

水煎加鹽滷一滴。

人參養胃湯 治食滯痞滿。

人參

蒼朮米泔水浸去皮、蘇油拌炒黃色

陳皮去白

藿香

半夏製

厚朴去皮、薑汁炒

茯苓

草菓

炙草

薑棗烏梅引水煎服。

六君子湯 治胃虛少食。痰嗽嘔泄。

人參

白朮 土炒黃

茯苓

橘皮

半夏

製

炙草

生薑引水煎服。

千金芩朮芍藥湯

治妊娠腹中滿痛。叉手不得飲食。

白朮

六錢土炒

黃芩 二錢

白芍 四錢

右三味。水煎。分三服。半日令盡。微下水。則易產。日飲一劑。爲善。

補中益氣湯 治煩勞內傷。脉洪大而虛。喘渴。陽虛自汗。懶言惡食。氣虛不能攝血。一切清陽下陷。中氣不足之證。

人參 一錢

黃耆 一錢五分 蜜炙

白朮 土炒

陳皮

當歸 各五分

升麻

柴胡 各三分

炙草 八分

薑三片。棗二枚。水煎服。

平胃散 治胃中宿食不化。藜藿之人宜之。

蒼

朮

四兩米泔水浸去皮
芝蔴油拌炒黃色

厚

朴

去皮薑汁製

陳皮

水泡去白

炙草

各三兩

右四味爲散。每服四五錢。加生薑三片。水煎溫服。

膠艾湯 治婦人漏下。或半產後下血不絕。或妊娠

下血腹痛。亦治損傷衝任。月水過多。淋漓不斷。

乾地黄

二錢

芍

藥

一錢五分

阿膠蒲黃炒成珠

艾葉

當歸各一錢

川芎

甘草各八分

水煎服。

千金托裏散 治氣血虛寒。潰瘍不收。

人參

黃耆炙

川芎

當歸

肉桂

白芷

防風

桔梗

白芍

天冬去心

連翹去心

忍冬

炙草

生薑引。水煎服。

八珍湯 氣血雙補之藥。

人參

白朮土炒

茯苓

熟地

歸身酒洗

川芎

白芍炒

炙草

水煎服。

二妙散 治身半已下濕熱疼重而腫。

厚黃柏

薑汁製數次

蒼

朮

茅山者佳。去皮切片。麻油拌炒黃色。

等分爲散。薑汁調。每日空心溫酒送二錢。

獨活寄生湯 治風痺。腰脚疼重。並治產後腹痛。不

得轉動。及腰脚攣痛。不得屈伸痺弱者。宜服此湯。
去細辛。治產後足膝腫。或痛。

人參

歸身

白芍

川芎

熟地

桑寄生

杜仲

炒斷絲

牛膝

蒸

細辛

秦艽

茯苓

桂心

防風

各六分

獨活

九分

甘草

三分

薑煎服。古今錄驗無寄生。有續斷。因續斷亦可代寄生。

○肘後無寄生。人參、甘草、當歸、有附子。

膠艾芎歸湯 治妊娠二三月上至八九月頓仆跌

胎產心法

卷上 諸痛方

五

傷胎動不安。腰腹疼痛欲死。已有所下。

阿膠

蛤粉或蒲黃炒珠

川芎

當歸

乾地黃

艾葉

水煎服。○一方有甘草。無地黃。

佛手散

一名芎歸湯。一名當歸湯。

治妊娠因事築碁。胎動不安。或

子死腹中。惡露不下。疼痛不已。用此藥探之。若不

損則痛止。子母俱安。若胎損立下。此方催生甚妙。

當

歸

三錢或五錢。去蘆酒浸。

川

芎

二錢。

先用酒一鍾煎乾。再入水一鍾煎。二三沸溫服。○若用下胎。當爲末。以酒調服。○丹溪治胎死不下。並催生。用當歸一兩。川芎七錢。酒水煎服。

阿膠散 治妊娠或因傾仆。或因毒藥。胎動不安。腰腹疼痛。或有所下。

阿膠 蛤粉炒成珠、艾葉 炒、

歸身 酒浸、川芎

白芍 熟地

黃耆 蜜炙、炙草

生薑五片。棗三枚。水煎空心服。

捷徑方

又名白扁豆散

治妊娠誤服諸般毒藥毒物。

及用毒藥攻胎。藥毒衝心。外證牙關緊急。口不能言。兩手強直握拳。頭低自汗。身微熱。外證與中風相似。但其脉浮而軟。十死一生。醫多不識。若作中風治。必死無疑。

白扁豆

二兩生用去皮

爲細末。新汲水調下卽效。或米飲調服。或濃煎服亦可。

三物解毒湯

治誤服毒藥動胎。

甘草

黑豆

淡竹葉

各等分

用水煎濃服。

四烏湯 治血中氣滯。小腹急痛。

熟地

當歸

酒洗各二錢

川芎

八分

白芍

一錢五分酒炒

烏藥

六分

香附

七分製

炙草

五分

水煎服。

加味導赤湯 治孕婦小便少。又澀痛者。謂之子淋。

又治溺血。

人參

生地

條芩

木通

甘草稍

麥冬 去心

赤芍

各一錢

淡竹葉 十五片

燈心四十九寸。水煎空心服。

小柴胡湯 治少陽受邪。往來寒熱。脉弦。脇痛。而嘔。

柴胡 三錢

黃芩

人參

炙草 各一錢

半夏 二錢、製

生薑五片。大棗四枚。水煎溫服。

六味地黃湯

附六味地黃丸○八味地黃丸各全匱腎氣丸○加味腎氣丸○濟生腎氣丸

熟地 四錢、九蒸九晒

丹皮

茯苓

各一錢五分

山萸

去核取淨肉

山藥

各二錢

澤瀉 一錢

水煎服。○如作丸用。熟地

八兩

丹皮、茯苓

各三兩

山萸

山藥

各四兩

澤瀉

一兩。右方用三兩。煉蜜丸。梧子大。

○加肉桂

一兩。製

附子五錢。名桂附八味地黃丸。又名金匱腎氣丸。○一

方。桂附有用各一兩者。○八味。再加牛膝、車前各一兩。名加味

腎氣丸。○一方肉桂、易桂枝。蓋因陰氣固結於中。勢必

分解於外。則腎氣得以流布周身之意耳。但僅存其方。

而世人少有從而易之者。予按醫方中。又濟生腎氣丸。

治腎氣不化。小便濇數。並治產後脚腫。或肚腫。或成鼓

腫。乃八味丸本方。用茯苓三兩。熟地四兩。山藥、山萸、丹

皮、澤瀉、肉桂各一兩。附子五錢。加牛膝、車前各一兩。此

本金匱腎氣方中諸藥。各減過半。惟桂、苓二味。仍照原

方。爲宣布五陽。開發陰邪之耑藥。更加牛膝車前。爲太陽、厥陰之嚮導。以肝爲風木之臟。凡走是經之藥。性皆上升。獨牛膝通津利竅。下走至陰。車前雖行津液之腑。而不傷犯正氣。旣用牛膝引入至陰。又須桂附蒸動三焦。不特決瀆有權。膀胱亦得以化。所以倍用肉桂。暗藏桂苓丸之妙。用愈於五苓十倍矣。但方中牛膝滑精。精氣不固者勿用。產後精氣本自不固。用者審之。故雜證小便不通。濟生腎氣丸爲善也。今世人所用腎氣丸分兩。多從此。○再考後人不分八味加味。濟生分兩懸殊。

統以金匱腎氣名之。殊覺混人。今特拈出。

東垣涼膈散 孕婦有病熱。如目赤口舌瘡之類。各隨其證。加減用之。

黃芩 酒炒

黃連 酒炒

山梔仁 酒炒

連翹 去心

桔梗

生草 各等分

薄荷葉 少許

目赤痛者。本方加當歸、川芎、羌活、防風、菊花 各一錢 竹

葉引。○咽喉痛者。本方加牛蒡子 一錢。炒。杵碎。 ○口舌

生瘡者。只依本方。薑引。

香殼散 治畜血暴起。胸脇小腹作痛。

香附 薑汁製、 歸尾 各三錢、

枳殼 二錢、 麸炒、 青皮 炒、

陳皮 烏藥

赤芍 蓬朮 醋炒、各一錢、

紅花 五分、 生草 三分、

炙草 二分、

共爲散。每服四錢。童便空心溫服。以核朮黑糖酒助之。

如不應。加延胡、穿山甲。○有外感風寒。加桂枝、羌活。

下瘀血湯 治婦人產後腹痛。有乾血著臍下。

大黃 一兩、酒浸、

桃仁 二十粒、去皮尖、

蟅蟲 二十枚、熬、去足、

爲末。煉蜜爲四丸。以酒一升。煎一丸。取八合。服之。血下如豚肝。

當歸活血湯 治挾瘀。如見祟狀。

當歸 三錢、

赤芍 酒洗、

生地 酒浸、別搗爛、

桂心 各一錢五分、

飛仁 二十粒、研、

茯苓

枳殼

柴胡 各八分、

炮薑 四分、

紅花 二分、

甘草 五分、

右除生地。水煎去渣。入地黃。再煎數沸。加陳酒服之。不

應。加穿山甲 五分。又不應。加附子 三分。有實熱難用附

子者。須與大黃錢許同用。

小建中湯 見下卷脫汗亡陽門

四物湯

紫蘓飲

安胎飲

千金保孕丸

俱見本卷安胎門

歸脾湯

見本卷胞漏小產門

香桂散

見本卷子死腹中門

胎產心法卷之上

胎產心法卷之上

胎逆上逼脹滿子懸論

妊娠胎逆上逼。重則脹滿疼痛。謂之子懸。紫蘓飲爲必用之藥。蓋因紫蘓飲爲治妊娠胎氣不和。濁氣舉胎上湊。胎熱氣逆。心胃脹滿之證。且此證挾氣者居多。宜疎氣舒鬱。非紫蘓腹皮。川芎。陳皮。無以流氣。非歸芍。無以養血。氣血既利而胎自降。然邪之所湊。其正必虛。故以人參。甘草補之。如飲食不甘。加四君子。有熱加芩。梔。歸芍。內熱晡熱。或

四君兼逍遙散。若常常多怒。時覺脹滿。服順氣藥不應。宜用和氣安胎飲。或加味逍遙散。胎上攻而作痛。宜紫蘓飲。或順氣安胎散。若脾虛停滯脹滿。安胎飲力薄。宜用加參平胃散。有因鬱滯者。亦宜紫蘓飲。或加味歸脾湯。有因痰結聚者。紫蘓飲加芩連貝母。有因暴怒者。左關必弦洪。肝火內動。用小柴胡加茯苓枳殼山梔。大抵胎氣上逆皆屬火旺。急用芩朮香附之類。不可服大寒之藥。反致他變。予每治孕婦心胃脹滿。用尊生和氣飲甚效。子懸證有兩尺脉。絕餘脉平和。不可錯認死胎。且死胎有面青舌青可辨。

宜紫蘓飲。治之則胎歸原位。脹消。脉起矣。如臨月。胎上逼心。嘔噦欲死。急用童便灌之。卽下。或烏梅肉十枚研爛。入生薑三片。煎湯灌之。亦下。取酸以降。欬之。兼辛以散。火氣之逆也。又有因坐草太早。心懷恐懼。氣結不行。紫蘓飲一服。便產。○後附針灸一方。脩用。

四君子湯 治胃氣虛弱。飲食不思。倦怠少食。

人

參

一錢至三錢

白 朮

一錢至二錢。土炒黃

茯 苓

一錢至錢半

炙 草

六分至一錢

水煎服。

逍遙散

附入味逍遙散又名加味逍遙散

治血虛肝

燥。骨蒸勞熱。往來寒熱。咳嗽潮熱。月經不調。口乾。便澁。

柴胡

當歸 酒拌

白芍 酒炒

白朮 土炒

茯苓 各一錢

炙草 五分

加煨薑薄荷引。水煎服。○一方無茯苓薄荷。有茯神生

薑爲引。治肝脾血虛。鬱怒傷肝。血少目暗。發熱脇痛等

證。○加丹皮。梔子。各七分。名八味逍遙散。又名加味逍

遙散。治小便帶血。或過勞。及多食炒炙。宜清膀胱之火。
柴胡、當歸加倍。白朮加五分。

和氣安胎飲 治孕婦多怒。胸中脹滿。若用烏藥、香
附、砂仁、順氣等藥。反加滿悶。宜服此飲。

人參

白朮

土炒

當歸

酒洗各二錢

川芎

條芩

各八分

陳皮

紫蘓

炙草

各四分

木香

二分磨汁衝服

胎產心法

卷上

胎逆上逼子懸方

七

薑引煎服。○一方無木香。有砂仁四分。名順氣安胎散。

治孕婦胎氣上攻心腹。脹滿作痛。子懸之證。有因氣惱

者。加木香二分。磨衝服。

加參平胃散 治孕婦脾氣虛弱。飲食停滯。以致腹

脹嘔吐。安胎飲力緩。宜用此散。

人參

白朮

土炒各一錢

蒼朮

米泔浸製

厚朴

薑製七分

陳皮

炙草

各四分

薑一片。水煎服。

尊生和氣飲 治孕婦心胃脹滿。

人參

薤梗

白芍 酒炒

川芎 各六分

當歸 一錢或六分 酒洗

腹皮 五分 製淨

木香 二分 磨衝藥服

炙草 三分

水煎服。

附針灸方

妊娠六七個月。飲食絕然不進。胸隔脹。水與藥皆不能下。診脉平和。又非病脉。此乃隔氣不通。藥不能治。惟針

灸可通。宜灸內關穴。卽能進飲食矣。其穴在手掌大紋後二寸兩筋間。此穴可針。亦可灸。男左女右。重則雙手同灸。輕者七壯。重加十數壯。艾如黍大。或如麥大。寸取本人同身寸。以男左女右手。中指屈回。用草較所屈中指中節內紋兩頭盡處截斷。爲準一寸也。

紫蘓飲

見本卷安胎門

小柴胡湯

見本卷諸痛門

加味歸脾湯

見本卷小產門附歸脾湯下

諸血證論

妊娠漏極。如同月水。胞乾胎死。母亦難保。其調治之方。已詳論於胎漏門中。茲不重論。

妊娠吐血。凡七情內傷。六淫外感。皆足致失血之患。一主火熱者。以氣血壅養胎元。或有所感。則氣逆而火上乘。心煩滿悶。血隨而溢。甚者。或致墮胎。但火有虛實之別。實火清熱養血。虛火滋陰補水。則血安胎固。若泛用行血清血之劑。胎必墮而禍不旋踵矣。如肝經怒火。加味逍遙散。膏梁積熱。加味清胃散。鬱結傷脾。加味歸脾湯。肺經有火。黃芩清肺飲。因氣鬱滯。紫蘇飲。氣不攝血。補中益氣。去升麻。

加煨葛根。腎經虛火。冬味地黃湯。

鼻衄不止。東垣涼膈散。加當歸、生地。

各一錢。

茅花 一大團。

生薑引。

咳嗽咳血。宜涼血地黃湯。醫通云。咳嗽咯衄。胎前皆不宜。見如面赤聲啞不治。又云。凡咯吐血。多致墮胎。胎賴血養。不宜漏溢。宜紫蘓飲。加條芩。

尿血。乃熱乘血分。流滲於脬。故令尿血自尿門而下。若胎漏。則自人門下血。可辨。宜四物。加山梔、髮灰。或阿膠、熟地、麥冬、五味之類。如怒動肝火。小柴胡。加山梔。脾氣下陷。及

勞動脾火。補中益氣。加茯苓車前。若厚味積熱。加味清胃散。若肝脾血熱。加味逍遙散。

腸風臟毒下血者。平胃散。去蒼朮。加槐角。防風。當歸。烏梅。治之。

加味清胃散 治胃中蘊熱。斑疹。口舌生瘡。齒齦腐

爛出血。

生地 四錢

丹皮 五錢

當歸

川連 酒蒸

連翹 去心各三錢

升麻

生草 各一錢五分

爲散。分三服。水煎。去滓。衝犀角磨汁三四分。入藥服之。

黃芩清肺飲 治渴而小便不利。

梔子 炒黑

黃芩

各等分。煎服。○予謂此方。乃治雜證發渴而小便不利。妙在熱服。探吐。以提。則肺氣立清。然胎前血證。探吐之法。似非所宜。若服而不吐。不特綿延。不能刻應。縱或小差。其苦寒之性。畱薄於內。大傷氤氲之氣。治胎前之證者。得不爲之預慮乎。

冬味地黃湯 附丸方

熟地 四錢 山藥 二錢炒

山萸 一錢古方分兩加倍 丹皮

茯苓 澤瀉 各七分

麥冬 一錢或錢半 五味子 十粒

水煎服。○此方藥味十倍之。煉蜜丸。即名冬味地黃丸。又名八仙長壽丸。

涼血地黃湯 治妊娠咳嗽吐血、咳血。

生地 三錢 麥冬 去心

當歸 酒洗各二錢 黃芩 一錢五分

紫苑

知母鹽水炒

白朮土炒

天冬去心各一錢

犀角八分

陳皮

甘草各四分

水煎服。有喘加瓜蒌仁一錢。

加味逍遙散見本卷子懸門附逍遙散下

加味歸脾湯見本卷胎漏小產門附歸脾湯下

紫蘓飲

四物湯俱見本卷安胎門

補中益氣湯

東垣涼膈散

小柴胡湯

平胃散 俱見本卷諸痛門

子腫子氣子滿論 子滿謾卽俗呼胎水證也、

妊娠子腫與子氣相類。但子氣在下體。子腫在頭面。若子滿證。又名爲胎水。則在五六月已後。比子氣子腫不同。蓋胎大則腹滿。遍身浮腫。凡子氣子腫子滿。由臟氣本弱。或因泄瀉下利。耗傷脾胃。或寒熱瘧疾。煩渴加飲。濕漬脾胃。

使頭面手足浮腫也。然水漬於胞。兒未成形。則胎多損壞。故初妊。卽腫急。宜調治水。去脹消。仍用六君子調補。

所謂子腫者。妊娠面目虛浮多。因脾胃氣虛。或久瀉所致。宜健脾利水。全生白朮散主之。或用健脾利水湯。如未應用六君子湯。或加腹皮、車前。又專治肢體如水氣之證。亦有用加味五皮湯。治子腫之甚者。

所謂子氣者。妊娠自三月成胎之後。兩足面漸腫至腿膝。或腰以下腫。行步艱難。以致喘悶不寧。飲食不美。似水氣狀。甚至腳指間有黃水出者。蓋脾主四肢。脾氣虛弱。不能

制水而發腫肺金少母氣滋養而氣促滿悶諸書名曰子氣卽水氣俗名皺脚治此病者先服加味天仙藤散如不效則服茯苓湯再不效服補中益氣湯加茯苓若飲食失節嘔吐泄瀉六君子湯或加炮薑木香香附若脾肺氣滯加味歸脾湯佐以加味逍遙散或紫蘇飲至孕婦八九個月脛腿俱腫非水氣比不可以水氣治之反傷正氣凡有此者必易產因胞臟中水血俱多不致胎燥也

所謂子滿者妊娠至五六個月胸腹急脹腹大異常或遍身浮腫胸脇不分氣逆不安小便艱澀名曰子滿又爲胎

水不利。若不早治。生子手足軟短。有疾甚致胎死腹中。宜服千金鯉魚湯。治其水。如脾虛不運。清濁不分。佐以四君。五皮。亦有用束胎飲。以治子滿證。甚效。○曾有妊娠腹脹。服鯉魚湯三五劑。大小便皆下惡水。腫消脹去。遂下死胎。此證每因懷孕腹大。終不知胎水之患。卽水漬損胎也。

全生白朮散 治妊娠面目虛浮。如水腫脹。

白朮 一兩。土炒。

生薑皮

大腹皮 豆汁製淨。

茯苓皮

陳皮 各五錢。

共爲細末。每服二錢。不拘時。米飲調下。○此方較澹寮五皮散稍善。中間惟白朮易桑皮。而功用懸殊。誠點鐵成金手也。○全書云。如未應。佐以人參甘草。

健脾利水湯 治孕婦面目虛浮。多因脾胃氣虛。或从瀉所致。

人參

茯苓

各一錢。○一方用皮。

白朮

土炒

當歸

酒洗。各二錢。

川芎

大腹皮

黑豆水製淨。

紫蘓

陳皮

各八分。

炙草 三分

薑皮一片。水煎服。

加味五皮湯 治孕婦面目身體四肢浮腫者。此胎

水泛溢。謂之子腫。

○澹寮五皮散。無白朮。有陳皮。治病後浮腫。小便不利。

大腹皮

黑豆水製淨

桑白皮

炒

生薑皮

茯苓皮

用赤

白朮

土炒

加紫蘓

連莖葉各一錢

棗二枚。去核。水煎服。服時以木香磨濃汁三匙入藥內。

加味天仙藤散 治孕婦腰脚腫。虛人多有此證。

天仙藤 卽青木香藤洗畧炒製香附

紫蘓 各六分 陳皮 四分

烏藥 五分 木香 二分

薑皮 三片 〇虛人加人參 一錢 土炒白朮 二錢 酒洗當

歸 二錢 或兼服補中益氣湯。

茯苓湯 治孕婦六七個月以來兩足腫大行步艱難。脚指間有黃水出。此名子氣。人多有之。生子之後。其腫自消。甚者。此湯主之。

白茯苓

白朮 土炒

陳皮

製香附

烏藥

各一錢

紫蘓

連莖葉

炙草

各五分

木瓜

三片

生薑皮引。水煎、空心服。

千金鯉魚湯

治孕婦胸腹脹滿。或遍身浮腫。小便

艱澁。名曰子滿。又爲胎水不利。或胞中漬水。以致

胎死腹中。

白朮

五錢上炒

白茯苓

四錢

當歸身

三錢酒洗

白芍

二錢

鯉魚 一尾重二觔要活的

將魚去鱗腸。加橘皮少許。或五分。薑七片。用水扣湯煮。取汁一盞半。去魚。入藥四味。魚汁內煎七分。空心溫服。渣再製如前。○如脾胃氣虛。當佐以四君。五皮二湯。合煎服之。

局五皮湯 治風濕客脾。面目四肢浮腫。兼治胎水。

五加皮

地骨皮

大腹皮

黑豆水製淨

茯苓皮

生薑皮

各等分

胎產心法

卷上

子腫子氣子滿方

七

水煎服。每服三錢。

東胎飲 治孕婦至七八個月。其胎長大。腹大脹滿。

逼迫子戶。坐卧不安。謂之子滿。

白朮 土炒

黃芩 酒炒

蘓葉 各一錢五分

枳殼 麩炒

大腹皮 黑豆水製淨。各一錢。
砂仁 五分。連殼畧炒。

炙草 三分

薑三片。水煎。空心服。○予謂蘓葉。當易莖妙。

六君子湯

補中益氣湯 俱見本卷諸痛門

加味歸脾湯 見本卷胞漏小產門附歸脾湯下

加味道遙散 見本卷子懸門附道遙散下

紫蘓飲 見本卷安胎門

四君子湯 見本卷子懸門

子煩並五心煩熱及煩躁口乾論

妊娠心驚胆怯煩悶不安。名曰子煩。竹葉安胎飲主之。大抵皆由心肺虛熱。是以撩亂心煩。或積痰於胸。吐涎惡食。亦令心煩劇則胎動不安。如心肺虛熱。或積痰於中。千金

竹瀝湯。若吐甚。胎動不安。煩悶口乾。不得眠。又吐涎過多。以致外雖不熱。而覺五心煩熱。或日間不覺。而夜覺熱者。並宜加味竹葉湯。氣虛。倍人參。氣滯。紫蘓飲。痰滯。二陳。加白朮。黃芩。枳殼。脇滿寒熱。小柴胡。脾胃虛弱。六君子。加紫蘓。山梔。至於妊娠煩躁。口乾者。緣足太陰脾。其氣通於口。手少陰心。其氣通於舌。臟腑氣虛熱。乘心脾。津液枯燥。故心煩口乾。與子煩大同小異。宜用加減參麥湯。又有用知母丸而效者。如肝經火動。加味逍遙散。若腎經火動。宜地黃丸。隨證加味用之。如孕婦口乾不卧。一味黃連散。或用

尊生加味安胎飲。查方書有婦人暴渴。惟飲五味汁之證。蓋血欲凝成胎。脉息調和。非疾病也。因肺腎二經有火。火入肺則煩。入腎則躁。胎繫於腎。腎水養其胎元。則不足以滋腎中之火。火上燥肺。變為煩躁者。金虧水涸之候。法當滋化源。清金保肺。壯水滋腎為主。

竹葉安胎飲 治孕婦心驚胆怯。煩悶不安。名曰子煩證。

人參

生地

棗仁

去殼炒研

遠志

甘草水製去骨各一錢

胎產心法

卷上

子煩並五心煩
躁口乾煩熱

七

當歸酒洗

白朮土炒各二錢

麥冬去心

條芩

川芎各八分

陳皮

炙草各四分

竹葉十四片

薑一片。大棗二枚。水煎服。○渴加竹茹七分。

千金竹瀝湯 治妊娠子煩。

竹瀝一盞

茯苓四錢

麥冬去心

防風

黃芩各三錢

右藥四味。以水四升。合竹瀝。煮取二升。分三服。不瘥。更作。○此乃古方分兩。宜易今法用之。

加味竹葉湯 治妊娠心煩不解。名曰子煩。並治五心煩熱。○原方竹葉湯。無人參。粳米。

人參

黃芩 各一錢

茯苓

一錢五分

麥冬

二錢五分。去心。

竹葉

五片

粳米

一撮

水煎。空心熱服。○肥人。加製半夏。生薑爲引。○因血虛煩熱。宜原方。兼用四物湯。○因中氣虛弱。宜原方。兼用

胎產心法

卷上

子煩並五心煩熱
及煩躁口乾

完

四君子湯。○一方照原方加當歸、防風、炒梔仁。亦名加味竹葉湯。

二陳湯 治痰積嘔惡。

陳皮 一錢、

半夏 製、

茯苓 各一錢五分、

炙草 八分、

水煎服。

加減參麥湯 治孕婦心神煩躁、壅熱口乾。

人參

知母

麥冬 去心、

梔子 炒、各一錢、

瓜蒌根

犀角 磨各八分

條芩

炙草 各五分

棗一枚。水煎服。○夏加竹瀝八分薑汁少許。

知母丸 又名一母丸 治妊娠因服藥致胎氣不安。有

似虛煩不得眠。巢氏謂之子煩。醫者不知。作虛煩治之。損動胎氣宜矣。

知母 二兩酒焙

爲細末。棗肉丸如彈子大。每服一丸。煎人參湯化服。

一味黃連散 治孕婦口乾不卧。

黃連 一錢

右爲末。粥飲湯調下。或用丹溪安胎飲。加麥冬、乾葛服之。亦妙。

尊生加味安胎飲 治孕婦口乾。

歸身 酒浸

白芍 炒

熟地

生地

砂仁

阿膠 蛤粉炒成珠各一錢

條芩 一錢五分

杜仲 鹽酒炒斷絲

白朮 土炒各二錢

川芎

陳皮

蘓梗 各五分

續斷 炒取淨肉

麥冬 去心

乾葛

知母 酒焙

梔子 炒黑

花粉

犀角

竹瀝 各八分

水煎服。○考曾生安胎飲本方。自歸身起至續斷止。共藥十三味。今此方名加味。又自麥冬至竹瀝。連前共二十味。如嫌藥味過多。臨證酌而減之可耳。

紫蘓飲

四物湯

丹溪安胎飲

俱見本卷安胎門

小柴胡湯

六君子湯

俱見本卷諸痛門

加味逍遙散

見本卷子懸門附逍遙散下

地黃丸

見本卷諸痛門附六味地黃湯下

四君子湯

見本卷胎逆上逼門

子淋論

妊娠小便淋瀝澀少。由氣血聚養胎元。不及敷榮滲道。遂

使膀胱鬱熱。又云。妊娠胞系於腎。腎間虛熱。移於膀胱。而成斯證。名曰子淋。加減安榮散主之。然古方安榮散內。有滑石。但石乃鎮重之劑。恐致墮胎。若臨月。猶可。如在七八月之前。宜去此味。加石斛。山梔。爲穩。若日久。倦怠。右脉微弱者。此氣虛下陷。而時墜下。氣弱。腸虛。而難流通。大劑參麥。飲補氣。滋化源。其便自易。亦有治小便澀少。用生料六味丸。加麥冬。五味。車前。爲丸服之。又治孕婦小便少。澀痛者。加味導赤湯。兼治溺血。全書云。子淋證。用安榮散不應。兼服八珍湯。如腿足轉筋。而小便不利。急用八味丸。緩則

不救。

加減安榮散 治孕婦小便短濇。或成淋瀝。

人參

當歸 酒洗各二錢

麥冬

二錢或三錢去心

白朮 一錢土炒

通草

茯苓皮 各八分

生草

五分

燈心

五分

水煎服。○原方有細辛、滑石、無白朮、茯苓皮。

○如有痰。或怒動肝火。加酒炒枯黃芩 七分。以清肺金。

○此方人參補氣。當歸調血。麥冬清肺以滋腎源。通草

燈心。利便通鬱滯。

參麥飲

見下卷暈厥門附參麥五味飲下

六味丸

見本卷諸痛門附六味地黃湯下藥料俱生用爲之生料

加味導赤湯

八珍湯

俱見本卷諸痛門

八味丸

見本卷諸痛門附六味地黃湯下○予謂桂附犯胎忌用當是麥冬車前之八味丸也

轉胞淋閉論

妊娠轉胞乃臍下急痛小便不通凡強忍小便或尿急疾走或飽食忍尿或忍尿入房使水氣上逆氣逼於胞故屈

戾不得舒張所致。非小腸膀胱受病而利藥所能利也。法當治其氣則愈。凡婦人稟受弱。憂悶多。性躁急。食厚味者。恒有之。因胞不自轉。爲胎所壓。胎若舉起。胞系自疏。水道自通矣。用二陳升提飲。又有用補中益氣湯。服後探吐。以提其氣自通。通後卽用參耆大補。恐胎墮也。如藥力未至。脹痛難忍。令老嫗用香油塗手。自產戶托起其胎。溺自出。而脹急解。須以大劑參耆補之。但子淋與轉胞相類。小便頻數。點滴而痛者。爲子淋。膀胱小腸虛熱也。虛則不能制。水熱則不能通利。故淋若頻數出。少不痛者。爲轉胞。間有。

微痛終與子淋不同耳。論中急痛乃急欲便而痛得便則止。間有微痛與子淋點滴痛不同。

二陳升提飲 治孕婦臍腹作痛小便淋閉不通。或

微痛與淋有別由氣虛胎壓尿胞。

人參 一錢、 白朮 土炒、

生地 各一錢五分、 當歸 二錢、

川芎 八分、 半夏 六分、製或油炒、

柴胡 升麻

陳皮 炙草 各四分、

薑一片水煎服。○或空心飲鹽湯探吐以升其氣則下

自行亦一法也。○予謂探吐只可救急偶用還須通後服提補之藥

補中益氣湯 見本卷諸痛門

遺尿論

妊娠遺尿不覺胎滿故也。用白薇散主之。若脬中有熱加味逍遙散。脾肺氣虛補中益氣湯加益智仁。肝腎陰虛六味丸。曾生云遺尿證虛人有此立加減六味湯治之甚效。有婦人孕後水從陰戶出不止者千金鯉魚湯加肉桂人參治之。

白薇散 治妊娠尿出不知。

白薇

白芍藥 各等分

爲末。每服三錢。食前溫酒調服。○考本草謂芍藥白補赤瀉。蓋金收而火散。故子淋方中宜用赤。而遺尿方中則宜用白也。

加減六味湯 治遺尿。虛人多有此證。

熟地 四錢

丹皮 一錢五分

山萸 去核

淮山藥 炒各二錢

白薇

白芍藥

益智仁 各一錢

不用引。水煎服。

加味逍遙散

見本卷子懸門附逍遙散下

補中益氣湯

見本卷諸痛門

六味地黃丸

見本卷諸痛門附六味地黃湯下

千金鯉魚湯

見本卷子腫門

子嗽論

妊娠咳嗽屬風寒。蓋肺臟內主氣。外司皮毛。皮毛不密。寒

邪乘之。則咳嗽。久亦恐墮胎。寧肺止嗽散。加減用之。亦

有用。蘓桔湯散寒理肺。甚有久嗽不愈。多因脾土虛而不

能生肺氣。以致腠理不密。外邪復感。或因肺虛不能生水。以致陰火上炎。治法當用補中益氣湯。以培土金。六味丸加五味以生腎水爲善。

寧肺止嗽散 治孕婦風寒咳嗽。

麥冬 二錢、去心、

知母 一錢、

桔梗

紫蘓 各五分、

杏仁 十粒、去皮尖、

桑白皮 六分、

甘草 四分、

水煎服。○有痰加橘紅 四分。竹瀝薑汁。○火嗽加黃芩

八分。

○虛嗽。加紫苑

一錢。

款冬花

六分。

○寒甚。加麻黃。

○虛損。加瓜蒌

一錢。

竹瀝、薑汁。

○嗽而心胸不舒。加去

心貝母、百合

各一錢。

紫苑

八分。

○若嗽不止。胎不安。宜

服人參

一錢。

甘草

五分。

去皮尖杏仁

十四粒。

桑皮

一錢。

紫苑

一錢二分。

去心天門冬

一錢二分。

桔梗

八分。

烏梅

一個。

水煎服。

藕桔湯

治孕婦風寒咳嗽。

天

冬

六分。去心。

桔

梗

一錢五分。

紫
藕

黃

芩

貝母 去心各八分

杏仁 十粒去皮尖

陳皮

知母

甘草 各四分

水煎服。○火動作喘。桔梗宜減。

補中益氣湯 見本卷諸痛門

六味地黃丸 見本卷諸痛門附六味地黃湯下

喘急論

妊娠氣喘不得卧。有因乍感風寒。客邪爲害者。宜發散自
愈。參蘓飲主之。若脾虛四肢無力。肺虛不任風寒。腎虛腰

瘦短氣。不能行步。猝然氣喘不息。此脾肺素虧。母虛子亦虛。腎氣不歸元而上乘於肺也。生脉散補中益氣湯去升柴主之。丹溪云。火動作喘。此胎前最多。予謂嗽門蘓桔湯。可加減用之。獲效。至於毒藥傷胎病喘。世俗往往有之。不可不察。昔有一婦。胎死於腹。病喘不得卧。診其脉。氣口盛人迎一倍。左關弦動而疾。兩尺俱短而離經。因毒藥動血。以致死胎不下。奔迫上衝。非風寒作喘也。大劑芎歸湯。加催生藥服之。桓半果下死胎而喘止。此婦乃爲人妾。因正室所嫉。故用藥去之。人所不知也。考濟陰綱目內有平安

散一方。治孕婦喘急。錄後以脩採用耳。

參蘓飲

人參

紫蘓

乾葛

前胡

製半夏

茯苓

陳皮

各等分

枳殼

麩炒

桔梗

木香

甘草

各減半

薑棗煎。

胎產心法

卷上

喘急方

八

平安散 治孕婦上氣喘急。大便不通。嘔吐不食。腹

脇脹滿。

川芎

木香

熟地

陳皮

炮薑

厚朴製

甘草各一錢

水二鍾。入燒鹽一捻。煎至一鍾。不拘時服。

生脉散

見下卷。暈厥門附參麥五味飲下

補中益氣湯

芎歸湯

俱見本卷諸痛門

泄瀉論

妊娠泄瀉有風寒暑濕之外感飲食生冷之內傷病發一時察其所因如胃風加味理中加味治中四苓不換金正氣胃苓等方對證而治之即愈然又有由脾腎二臟虛者不可不知夫血統於脾血擁胎元則脾陰虛而食不運化脾主健運下焦壅滯而清氣難舒於是水穀難消而作瀉或因胎繫於腎胎竊其氣以擁護而腎氣既弱命門火衰不能上蒸脾土此皆妊娠泄瀉之由也如脾虛內傷用加

味六君子湯。隨所因而加之。命門火衰。加益智以助之。至
于妊娠久瀉。元氣下陷。發熱作渴。肢體倦怠。用補中益氣
湯。密齋治妊娠泄瀉。以補中安胎爲主。用加味四君子湯。
如久瀉大渴者。人參白朮散主之。甚效。

胃風湯 治風冷乘虛入客腸胃。米穀不下。泄瀉注
下。及腸胃濕毒。下如豆汁。或下瘀血。或下如魚腦。
日夜無度。

人參

白朮

土炒

茯苓

當歸

川芎

芍藥炒

肉桂各等分

入粟米一撮。水煎服。○如腹痛。加木香。○此方治瀉久。氣血兩虛。誠妙。然肉桂非久虛。臟冷者。斷不可用。其曰胃風。取其益胃而升舉也。方中肉桂犯胎。忌用。如不得已。或炒用。或易桂炭。如胃苓湯中肉桂。亦不可不審用。加味理中湯。治妊娠臍下陰冷洞瀉。

人參

白朮土炒

白芍

茯苓

胎產心法

卷上 泄瀉方

九

乾薑

黃連

木香

藿香葉

訶子肉

肉豆蔻
麪煨

甘草
各一錢

生薑三片。大棗二枚。水二鍾。煎一鍾。饑時服。

加味治中湯 治飲食過多。脾胃之氣不足。運化而

作瀉。

人參

白朮
土炒

炮薑

甘草
各一錢

陳皮

青皮

各七分

砂仁

五分

水煎服。

四苓散

附五苓散

治伏暑煩渴瀉水。

白朮

土炒

猪苓

澤瀉

茯苓

各等分爲末。米飲調下。○此方加肉桂。卽五苓散。

不換金正氣散

治妊婦傷濕泄瀉。

蒼朮

製

厚朴

薑汁製

陳皮

藿香

製半夏

各一錢

甘草

五分

薑棗爲引。水煎服。

胃苓湯 治脾濕太過。胃氣不和。腹痛泄瀉。水穀不

化。陰陽不分。此平胃散與五苓散合方也。

蒼朮

製

厚朴

薑汁製

陳皮

白朮

土炒

茯苓

豬苓

澤瀉

各一錢

官桂

炙草 各五分

薑三片。棗二枚。水煎。食遠服。方中有桂。孕婦忌用。或易服不換金正氣散更妥。

加味六君子湯

人參 隨宜

白朮 一錢或一錢五分土

茯苓 一錢

陳皮 八分

製半夏 一錢

炙草 五分

生薑引。水煎服。○米食所傷。加穀芽。○麪食所傷。加麥芽。○肉食所傷。加山查。○如肝木侮土。兼寒熱。作嘔。加

柴胡、生薑。○若兼嘔吐、腹痛、手足逆冷、乃寒水侮土。加薑、桂。○若泄瀉黃色、乃脾土本色。加木香、煨肉果。○若作嘔、不食、腹痛、惡寒、乃脾土虛寒。加木香、薑、桂。

密齋加味四君子湯 治妊娠泄瀉、補中安胎爲主。

人參

白朮 土炒

茯苓 各一錢

炙甘草 八分

水煎服。○妊娠泄瀉、加炒白芍 一錢。更分寒熱治之。如

發熱而渴者爲熱、加條芩 一錢。不渴者爲寒、加炒黑乾

薑 五分。並用烏梅一個爲引。水煎、食前服。○如渴瀉日

久不止者。加酒炒白芍。訶子肉。炒乾薑。烏梅二個。去核。

水煎。食前服。或服人參白朮散亦妙。

人參白朮散 治久瀉太渴者。

人參 白朮土炒。

茯苓 炙草各一錢。

藿香 木香

乾薑各五分。

水煎。頻頻與之。以代湯水。效。

補中益氣湯見本卷諸痛門

霍亂論

妊娠因甘肥過度。腐積成痰。或七情鬱結。氣盛爲火。停蓄胃中。乍因寒熱之感。邪正交爭。陰陽相混。故令心腹絞痛。吐利並作。揮霍變亂。謂之霍亂。如邪在上。則當心痛而吐。多邪在下。則當臍痛而利多。邪在中。脘則腹中痛。吐利俱多。吐多傷氣。利多傷血。血氣受傷。不能護養其胎。邪氣鼓擊胎元。子母未有不殞者。此危證。不可不亟治也。宜香薷散加藿香葉。或先服後探吐之。又加味四味紫蘓和胎飲。治心腹絞痛。上吐下瀉亦效。予治孕婦霍亂。用六和湯累

效。又有回生散。七味白朮散。錄後以備臨證擇用。再考方書。單瀉用胃苓湯。飲食停滯。用平胃散。內傷飲食。外感風寒。用藿香正氣散。皆治霍亂之劑也。

香薷散 此方治霍亂。平正之至。

香附

炒

紫薷 各二錢

陳皮 一錢

藿香葉

縮砂

炙草 各五分

水煎服。○如轉筋。加木瓜 一錢。○胎動不安。加土炒白

朮 一錢五分。○如夏月得之。加黃芩 一錢五分。炒黃連

一錢。香薷二錢。○如冬月得之。加人參土炒白朮各一

錢。炮薑五分。

加味四味紫蘓和胎飲 治心腹絞痛。上吐下瀉。

紫蘓

黃芩

白朮

土炒各一錢五分

炙草

以上四味和胎飲本

藿香葉

陳皮

各一錢

砂仁

五分炒

薑棗引水煎服。

六和湯 治霍亂吐瀉。心煩腹脹。

陳皮 四分

製半夏 七分

杏仁 十粒、去皮尖、

竹茹

木瓜 各一錢、

扁豆 二錢、

茯苓 八分、

藿香

砂仁 研、

甘草 各五分、

薑一片。棗二枚。水煎服。如不愈。再服四味紫蘓和胎飲。

回生散 治中氣不和。霍亂吐瀉。但一點胃氣存者。

服之回生。

陳皮 去白、

藿香 各五分、

胎產心法

卷上

霍亂方

九五

右剉。水煎溫服。

七味白朮散 治脾胃虛弱。吐瀉作渴。不食。

人參

白朮 土炒

茯苓

木香

藿香

炙草 各五錢

乾葛 一兩

右爲末。沸湯調服二錢。吐甚者。加生薑汁頻服。

胃苓湯

見本卷泄瀉門

平胃散

藿香正氣散

俱見本卷諸痛門

中惡中暑中濕中風論

妊娠忽然心腹刺痛。悶絕欲死者。謂之中惡。卽俗謂疔腸沙是也。蓋因血氣不和。精神衰弱。邪毒之氣。得以中之。孕婦病此。亦致損胎。薛氏云。此證當調補正氣爲善。用金銀藤一味。煎湯飲之。或灶心土爲末。每服二錢。井水調服。白湯亦可。濟陰綱目內用散滯湯治之。又煮艾方。治正中惡極妙。

妊娠盛暑時。中暑熱之毒。其證發熱而渴。自汗。精神昏憤。

四肢倦怠。少氣。清暑和胎飲主之。

妊娠中濕。或因早行。感霧露之氣。或冒水。或人居下濕地。或大汗出浴冷水。其證發熱。骨節煩痛。身體重着。頭痛鼻塞。黃芩白朮湯主之。

妊娠中風。因體虛則中之。乃四時八方之氣爲風。自衝方來。中人卽病。中其皮毛經絡者。則發寒熱。頭項身體皆痛。或肌肉頑痺。中其筋骨者。則拘攣疆直。中其臟腑者。則卒倒昏悶。口眼喎斜。手足瘓癱。口噤不語。孕婦得此。不可用。常治風之法。以補虛安胎爲本。兼用搜風之劑。搜風安胎。

飲治之。但胎前正中風者少。子癰之證實多。與中風見證無異。醫者當審實是中風。方可用搜風安胎。否則子癰證治也。

散滯湯 專治觸惡胃氣。傷胎肚痛。手不可近。不思

飲食。

青皮 三錢

黃芩

芍藥 各二錢

歸尾 一錢五分

川芎 一錢

木香 五分

炙草 少許

右分二貼。水三盞。先煮芩根兩大片。至二盞。去芩根。入前藥同煎至一盞。熱服。

煮艾方 治妊娠中惡。心腹絞急切痛。如鬼擊之狀。不可按摩。或吐衄血者。

熟艾 如拳大

煮汁。頻服。

清暑和胎飲

黃蓍 炙 人參

白朮 土炒 黃芩

黃連

知母

麥冬去心

炙草各一錢

五味十二粒

水煎服。

黃芩白朮湯

黃芩

白朮土炒各五錢

蘼葉二錢五分

薑五片。水煎服。

搜風安胎飲

胎產心法

卷上

神機中

九

歸身

黃 著蜜炙

羌活

黃 芩

秦 芫

防 風

炙 草各一錢

薑棗引。水煎多服。以平爲期。

子癰論

又名風瘧。一名子胃。亦名類中風。附因破傷失血吐血衄血致類中風。

妊娠子癰。乃爲惡候。若不早治。必致墮胎。其證或口禁項

強。手足攣縮。

與瘳同。

言語蹇澁。痰涎壅盛。不省人事。或忽然

眩暈卒倒。口不能言。狀如中風。實非中風之證。不可作中

風治。卽或無痰。言語如常。但似風狀。多因血燥。血虛亦不
可。概以風治。而誤也。羚羊角散主之。馮氏云。孕婦忽然僵
仆。痰涎壅盛。不省人事。乃是血虛而陰火炎上。鼓動其痰。
左脉微數。右脉滑大者。名曰子癇。宜四物養血。酒芩清熱。
二陳化痰理氣。治法仍以安胎爲主。勿過用中風之藥。此
由血虛生熱。熱盛生風。皆內起之風火。養血而風自滅。若
心肝風熱。用鈎藤湯。肝脾血虛。加味逍遙散。肝脾鬱怒。加
味歸脾湯。氣逆痰滯。紫蘇飲。脾鬱痰滯。二陳加竹瀝薑汁。
密齋云。孕婦氣虛挾痰火證。狀如中風。卒倒卽醒。醒而復

發。清神湯主之。兼服壽星丸。予謂妊婦子癇。至有目昏黑而厥者。胎前絕少。但一有此證。卽是兒暈。屬氣與痰。故目昏黑。發厥。只服紫蘓飲。慎不可服蘓合丸。及烏藥順氣散等藥。至於破傷失血。或吐衄血。忽患口禁。項強。背直。類中風證。皆因失血所致。不可不知。用荆防安胎散治之。

羚羊角散 治孕婦口噤項強。手足攣縮。痰壅。不省人事。

羚羊角

苡仁米

棗仁

去殼炒各一錢

當歸

二錢酒洗

獨活

五加皮

茯神

各八分

川芎

七分

杏仁

十粒、去皮尖、

防風

五分

木香

三分

甘草

四分

薑引。水煎服。○虛。加人參一錢。

○痰。加竹瀝五分。

○胃

弱。加白朮一錢。

鈎藤湯

治孕婦手少陰。足厥陰。血虛風熱。

人參

當歸

茯神

桑寄生

鈎 藤 各一錢

苦桔梗 一錢五分

水煎服。

清神湯 治孕婦忽然眩暈卒倒。口禁不能言。狀如中風。須臾即醒。醒而復發。乃氣虛挾痰。火子癰證。

人 參

白 朮

茯 苓

白 芍

黃 蓍

蜜炙

麥 冬 去心

歸 身

炙 草 各等分

薑棗引。水煎食遠服。兼服壽星丸。

琥珀壽星丸 寧神定志去風化痰。

天南星 一觔

掘地作坑。深二尺。用炭火二十觔。將坑燒紅。去炭掃淨。用好酒五升澆之。將南星趁熱放坑內。用瓦盆急蓋定。以黃泥封固。經一宿取出。焙乾爲末。入琥珀末一兩。硃砂末五錢。和勻。以生薑自然汁。煮麪糊熟。再入豬心血三個。攪勻。和末爲丸。硃砂爲衣。每服五十丸。人參湯下。日三服神效。

荆防安胎散 治孕婦。或因破傷。患類風證。

人參

當歸酒洗

白朮土炒各三錢

生地

天麻各二錢

麥冬一錢去心

條芩八分

荆芥

防風各三分

陳皮

甘草各四分

水煎服。

二陳湯見本卷子煩門

加味逍遙散見本卷子懸門附逍遙散下

加味歸脾湯 見本卷胎漏小產門附歸脾湯下

四物湯

紫蘓飲 俱見本卷安胎門

痢論

妊娠痢下。因飲食生冷。脾胃不能剋化。致令心腹疼痛。傷血則赤。傷氣則白。氣血俱傷。則赤白相雜。蓋血屬陰。陰傷則受熱居多。然又有陽氣傷。不能統陰血而痢赤。又不得不從事於辛溫。故治血痢。猶當以色之顯晦。驗其虛實。寒熱。故凡積之瘀。晦不鮮。清稀不稠。皆虛寒之候。卽陽不統。

陰之血。急投人參薑艾。或可保全。倘不審而悞服芩連。乃速其斃也。惟積之稠粘紫赤而光澤者。合用苦燥以堅腸胃之滑脫。又必當佐以調氣之藥。則陰邪解釋。非若白痢之不可雜以芩連芍藥等味。引領滯穢襲傷陰血也。氣屬陽。陽傷則受冷居多。卽有火注下迫。皆陽氣鬱遏。本寒標熱之證。不可純歸於熱。但當驗其積之稠粘如糊。色白如脂。方可暫與清熱治標。若汁沫如水。色晦如塵。急須溫理其氣。卽有熱證。皆假象無疑。其虛實寒熱旣分。而又有三禁。三善。五審。之不可不知也。一禁。滌蕩腸胃。恐陽氣下陷。

胎氣愈墜。二禁滲利。膀胱恐陰津脫亡。胎失榮養。三禁澀滯。氣恐濁氣愈滯。後重轉加。故善治妊娠之痢。惟以調氣爲先。使已敗積沫。隨氣而下。未傷津液。統之而安。夫調氣有三善。一使胃氣有常。水穀輸運。二使腹滿腹痛。後重漸除。三使濁氣開發。不致侵犯胎元。所謂五審者。一審飲食之進與不進。夫痢乃腸胃受病。若痢勢雖甚。飲食無妨者。易已。故痢以禁口爲最劇。在初起濁邪全盛之時。不足爲慮。但要清理積滯。飲食自進矣。若七日已後。尚不能食。脈反數盛。此必初時失於清理之故。急需調氣理中。則積

沫漸下。飲食漸進矣。或初時能食。至一旬一氣後。反不能食。脉息不振。此必滌蕩太過。胃氣受傷所致。亦有過用芩連、枳、朴、苦寒破氣。而致呃逆嘔噦者。胃氣大敗。最危之兆。惟峻與溫補。庶可挽回。若脉見數疾無倫。或翕翕虛大。或歇止不前。或弦細搏指者。皆胃氣告匱。百不一生矣。二審。澁之。通與不通。下痢清濁不分。若痢雖頻。而水道順利者。胎必無虞。若月數將滿。胎壓尿胞。每多澁便頻數。轉胞脹悶之患。切禁利水傷津。急與開提自通。但須察其脉無過壯過硬之形。便宜補中益氣。稍加澤瀉車前。以升清降濁。

投之。無不輒應。非特妊娠爲然。卽平人久痢。津液大傷。而
搜瀉不通者。亦宜此治法也。三。審腹之痛與不痛。下痢腹
痛。必然之理。然間有濁濕下趨。而無鬱沸之火者。則不痛
也。但此多見於肥白人之白痢。若血痢。與瘦人多火者。罕
見也。治宜調氣運積。不用清火明矣。原其腹痛有寒熱之
分。痛有止歇。痛則奔迫下墜。至固不及者。火也。痛自下而
攻擊於上者。火也。痛而脹滿。不勝摩按。熱飲愈甚者。火也。
實也。痛無止歇。常時痛而無絞刺者。寒也。痛自上而奔注
於下者。寒也。痛而不滿。時喜溫手摩按。飲熱漸緩。欲至固。

而可忍。須臾者。虛也。寒也。大約初痢。脹痛爲熱。爲實。久痢。疴痛。爲虛。爲寒。卽初因火。注切痛。痢久。傷氣。亦必變爲虛寒也。故久痢。腹痛之脉。無論大小。遲數。但以按之。漸漸小者。並屬虛寒。急需溫補。慎勿利氣。惟急痛。脉實。久按不衰者。可稍用炮黑薑連和之。四審後之重與不重。下痢後重。濁氣壅滯也。夫開通壅滯。必以調氣爲本。在妊娠猶爲切要。調氣則後重自除。而胎息自安。但初痢後重。首宜開發其滯。若久痢後重。又當升舉其陽。陽氣升。則胃氣運。胃氣運。則周身中外之氣。皆調達而無壅滯之患矣。故治孕婦

之後重。無問胎之大小。但脉見有餘。則宜調氣。脉見不足。便與升提。雖血痢亦宜陽藥。一切滋膩血藥。總無干預。以氣有統血之功。則血無妄行之慮也。五審身之熱與不熱。下痢爲裏氣受病。若見身熱。表裏俱困。元神將何所恃而得祛邪之力哉。惟人迎之脉浮數。可先用和營透表之法。分解其勢。然後徐行清理。若初痢不發熱。數日半月後發熱。脉來漸小。或虛大少力者。此正陰內亡。虛陽發露於外。在平人。或可用辛溫峻補飲之。以歸其源。若妊娠。則桂附又難輕用。惟藉參朮薑蔥膠艾之屬。非大劑濃煎。峻投難。

望其轉日。回天之勛也。或有痢久。衛虛起居不慎。而感冒虛風發熱者。但當察其左手三部。必顯浮數之象。又需理中湯加桂枝。合表裏而治之。以內氣久虛之邪。不得參朮助其中氣。則客邪不得解散也。又有病後。瘧後。或本質虛羸之人。及秋冬天令寒冷時下痢。加以胎孕扼腕。豈可與平人之痢同日而語哉。其圓機活法。因人論證。因證立方。調治之法。在醫之神聖工巧耳。考之醫通云。常用厚朴去乾薑湯。治妊娠能食腹脹後重。積穢稠粘之白痢。厚朴生薑甘草半夏人參湯。治妊娠腹脹後重。赤白相兼之痢。黃

芩芍藥湯。送香連丸。治妊娠能食後重。積穢稠粘之血痢。
連理湯。合千金三物膠艾湯。治妊娠少腹疼重。瘀晦不鮮。
或間有鮮血之痢。駐車丸。治妊娠發熱後重。陰虛畏食之
血痢。白頭翁加甘草阿膠湯。治妊娠熱毒內攻。噤口不食。
腹脹後重。膿血稠粘之痢。千金膠艾榴皮湯。治妊娠膿血
清稀。胎動不安。久泄不止之痢。補中益氣湯。治妊娠先瘧
後痢。及瘧痢齊作。元氣下陷。胎氣下墜。小便頻數。或轉胞
不得溺之痢。以上諸方。並加砂仁以調其氣。烏梅以調其
血。未嘗不隨手輒效也。又有用當歸黃芩芍藥湯者。黃連

阿膠湯者。俱錄方於後。以備採用。予每用一味阿膠飲。或
阿膠黃連飲。均治孕婦之痢。甚妥獲效。又用加味香連湯。
亦屢驗。大全治姙娠下痢。赤白痢疾。絞刺疼痛。鷄子一枚。
烏鷄者更良。破孔去清。留黃用。入黃丹一錢。攪勻。
厚帛糊好。鹽泥固濟。火焙乾。爲細末。米飲服二錢。
一服愈者是男。二服愈者是女。

厚朴去乾薑湯

厚朴

去皮薑汁炒

陳皮

泡去浮白

茯苓

炙草

各等分

煎服。

厚朴生薑甘草半夏人參湯

治胃虛嘔逆。痞滿不

食之證。

人參

隨宜

厚朴

一錢五分薑製

製半夏

二錢

炙草

八分

生薑引煎服。

黃芩芍藥湯 治伏氣發溫。太陽少陽合病自利。

黃芩

白芍

各三錢

炙草

二錢

大棗四枚擘水煎服。

香連丸 治下痢赤白相兼。白多於赤者。

川黃連

六兩用吳茱萸、揀去閉口者、取淨一兩、同黃連炒、去吳茱萸不用、只用川連。

木香

一兩

共末。醋糊丸。每服五十丸。米湯、砂仁湯任下。

連理湯 治胃虛挾食。痞滿發熱。

人參

隨宜

白朮

一錢五分、土炒焦

炮薑

六分

黃連

八分

茯苓

一錢

炙草

六分

水煎服。

千金三物膠艾湯

又名膠艾、榴皮湯。

治血痢。又痢下不止。

阿膠

艾葉

酸石榴皮

三味等分。煎服。

駐車丸 治陰虛下痢發熱。膿血稠粘。及休息痢。

阿膠 三兩、

黃連 炒黑、

當歸 各五錢、

炮薑 一兩

右四味。搗篩。醋煮阿膠爲丸。梧子大。每服四五十丸。晝夜三服。米飲下。

白頭翁加甘草阿膠湯 治挾熱痢下膿血。及產後

痢不止。

白頭翁

黃連

炒黑

黃栢

炒黑

秦皮

炙草

各一錢

阿膠

三錢

右六味。先煮上五味。去滓。內膠烱盡。溫分三服。

當歸黃芩芍藥湯 治妊娠病痢。清熱和胎。行氣養

血。凡虛坐努力者。防其損胎。此方主之。

當歸

黃芩

炒

芍藥

炒

黃連

炒

白木土炒

枳殼蘇炒

茯苓

陳皮

生地

生草各一錢

木香五分

烏梅一個

水煎。空心服。

黃連阿膠湯 治妊娠痢病。日久不止。

黃連炒

阿膠炒

人參

白朮土炒

茯苓各一錢

木香七分

乾薑炒

炙草 各五分

烏梅 三個

薑棗引。水煎食前服。

一味阿膠飲 治孕婦痢疾。

阿膠上好正者

不拘多少。酒化服。日數次。隨意飲之自愈。

阿膠黃連飲 又名黃連阿膠湯 治孕婦痢疾。若安胎

則痢愈重。治痢則胎難全。宜服此飲。

阿膠 能止膿血之痢且止腰痛固胎以之爲君 黃連

芍藥

甘草 皆以為佐

枳

殼

麸炒少加二三分以寬其後重

水煎服。一劑痛痢俱減。去枳殼再服。

加味香連湯 治孕婦痢證。

白芍

黃芩 各二錢

黃連

陳皮 各一錢

茯苓

六分

木香 五分

黃栢

八分

乳香

沒藥

各分半

酒煎服。

千金膠艾糯米湯 卽本門三物膠艾湯

補中益氣湯 見本卷諸痛門

瘧論

妊娠患瘧。無論胎息月數多少。總以安胎爲主。而世之所謂安胎。無過黃芩、白朮。不知黃芩乃治熱盛胎動不寧。白朮乃治脾虛胎氣不固。若氣虛下陷。誤用黃芩。氣滯壅逆。誤用白朮。爲害何可勝言。予於前安胎方中。亦多有用芩朮。然亦有棄而不用者。總視其病之宜忌。及人之氣血所

謂可與意會。難與言傳。業醫之活法。在隨機應變耳。要知胎息安與不安。全在母氣之調與不調。故安胎先安母氣。未有母氣乖戾。而胎獨安之理。亦有因胎氣有故而致母病者。則先治胎。而母病自愈。如子死腹中之類是也。又安有不去其胎。而母得無恙乎。故善治胎產證者。必審孕婦形體之肥瘦。氣血之偏盛。若形色蒼。肌肉脰堅者。必多濕多痰。無論何疾。必顯濕熱本病。脉多滑實有力。絕無虛寒脉弱之候。可峻用豁痰理氣藥。治其本質。然後兼客邪見證而爲製劑。治宜二陳湯。隨經加透表藥。或合小柴胡用。

之。蓋柴胡爲瘧證之嚮導。故多用之。然有自汗過多。尺中微弱。或熱盛。手足清。始終不用柴胡。而用建中。桂芍收功者。或見煩渴。脉實。大便六七日不通。陽明府實。又宜涼膈去硝黃。加鮮首烏調之。須知稟質堅固者。其氣多滯。內外壅遏。但有濕熱。絕無虛寒之患。如元氣本弱。或病後得之。必需理脾行氣。惟六君子湯爲合劑。有痰食結滯。則加枳實。草菓內有寒。加炮薑。外受風。加桂枝。胎動上逆不安。加子芩。胎下墜。加柴胡。倍人參。以參乃舉胎聖藥也。間有不應。又需補中益氣湯升舉之。若中有畱滯。則枳實理中加

桂枝柴胡合表裏而治之。大抵病邪初發。元氣未耗。疏風
滌痰。消導飲食。在所必需。然宜大劑白朮。培護中土。以脾
胃爲一身之津梁。土厚自能載物。其最可慮在三四發至
六七發。其勢最劇。若過半月。雖淹纏不止。邪熱漸衰。可無
胎隕之虞矣。或有瘧久。氣血虛敗。而小產者。此皆失於調
治也。若六七發後不止。卽當和營健脾。若稟質柔脆。雖有
風邪。不得純用表藥。以風藥性升。能使胎氣上逆。而爲嘔
逆喘脹。膈塞痞滿之患。雖有實滯。不得過用降泄之味。能
引邪氣下陷。致胎墜不安。而爲泄利不食。小腹疼重之患。

矣。若疫瘧毒盛勢劇。急與涼膈承氣黃連解毒救之。瘟瘧
昏昏不爽。煩熱大渴。或壯熱無寒。或先熱後寒者。當與桂
枝白虎。人參白虎。撤其在裏之熱。不可與夏秋疟瘧比例
而推也。蓋有是證。用是藥。有故無隕。惟在速祛邪毒。以救
胎息之燔灼。若遲疑未決。下手稍軟。救無及矣。又有氣血
虛損。其瘧由虛致。不因暑氣而作。如經云。陽微惡寒。陰弱
發熱。或風寒因虛而乘之。若寒熱不已。重蒸其胎。胎亦受
傷而墜。宜輕解表邪。兼大補氣血以主之。更有患胎瘧者。
一遇有胎。瘧病卽發。此人素有肝火。遇孕則水養胎元。肝

虛血燥。寒熱往來。似瘧。非瘧也。以逍遙散清肝火。養肝血。兼六味丸以滋化源。寒熱自退。世醫治妊娠瘧初起。用散邪飲。不愈者。用截瘧湯截之。又有初用柴胡知母湯以平爲期。瘧久不退。則用七聖散截之。然截藥內常山傷胎。萬不得已。須用白朮煎水煮透用之。然亦宜少用。卽尋常治瘧。再以白朮製之。方免嘔泄。又夜明砂單方。亦治孕瘧。予常用加減丹溪安胎飲治孕瘧。甚覺穩妥有效。從未用截藥而孕瘧未嘗不愈也。

枳實理中湯

○附理中湯、○又附子理中湯、治胃虛

挾食。及結胸本虛。不能受攻。

人參 一錢至三錢
白朮 一錢至二錢，土炒焦

炮薑
炙草 各五分

枳實 七八分，麸炒
茯苓 一錢

水煎服。○此方參、朮、薑、草、四味。方名理中湯。治胸痺、心
胸痞氣。霍亂吐瀉不渴。一切脾胃虛寒。嘔吐清水。飲食
不入。完穀不化。○理中湯內加熟附子。名附子理中湯。
如方中人參用一錢。附子則宜用三分。

承氣湯 治少陽陽明府證。

大黃 四錢、生、

厚朴 六錢、製、

枳實 三枚、

此方胎產忌用、錄之以脩參考。

黃連解毒湯 治熱邪內外俱盛。

黃連

黃芩

黃栢

山梔

等分煎服。

桂枝白虎湯 ○附白虎湯、○人參白虎湯、
治溫病感

冒客邪而渴、及溫瘧先熱後寒。

石膏

四錢生用碎

知母

一錢五分生

炙草

五分

粳米

一撮

桂枝

七分半

水煎服。○此方去桂枝。即白虎湯正方也。○去桂枝。加

人參一錢。名人參白虎湯。治熱病大渴。發熱背寒。

散邪飲 治瘧初起。

羌活

柴胡

紫蘓

陳皮

各六分

蒼朮

米泔水製

厚朴

薑汁製

製半夏

青皮 各七分

水煎服。不愈者。服後截瘧湯截之。

截瘧湯

白朮 土炒

山查 並子

枳櫚

常山 白酒煮乾。炒紫色。再用白朮煎水煮透。更炒。各八分。

草菓

神麴 各四分

水煎。遇發日五更服。

柴胡知母湯 治孕婦病瘧。不可輕用截藥。恐致損

胎。此湯主之。

柴胡 一錢五分

知母

人參

黃芩

白朮 土炒

歸身 各一錢

甘草 五分

薑棗引。水煎。多服。以平爲期。

七聖截瘧散 如瘧久不退。轉甚者。宜用此散截之。

柴胡 一錢五分

黃芩

知母 各一錢

常山 八分。白酒煮乾。炒紫色。再用白朮煎水。煮透更妙。

草菓仁 五分

烏梅 二枚

水酒各半煎。露一宿。臨發日。五更溫服。忌生冷鷄魚麪食。○原方有炙甘草。予恐常山合之而作吐。故去之。

明砂止瘧丹

夜明砂 三錢、

爲末。茶清調。空心服。○予謂此藥能行血。且下死胎甚速。非瘀血積聚成瘧。及久成瘧母者。不可輕用也。

加減丹溪安胎飲 治孕婦瘧疾。

白 木 土炒、

當 歸

熟 地 各二錢、

川 芎

條芩 各八分

製半夏 七分

人參 一錢

藿香 五分

草菓

青皮 各三分

紫蘓

廣皮

炙草 各四分

烏梅 二枚

薑一片煎服。

二陳湯 見本卷子煩門

小柴胡湯

建中湯

涼膈散

六君子湯

補中益氣湯

俱見本卷諸痛門

人參白虎湯

見本門附桂枝白虎湯下

逍遙散

見本卷胎逆上逼門

六味丸

見本卷諸痛門附六味地黃湯下

傷寒溫熱時疫論

妊娠傷寒時值冬令。爲寒所傷。其輕者。淅淅惡寒。發熱。微嗽鼻塞。數日卽愈。不藥亦可。或用葱白、連鬚、三五莖。

生薑三片煎服卽解。如所感者重。以致頭疼。先寒後熱。久必傷胎。藥多避忌。務宜謹慎。不可與常婦概治。竟用發表。以致損胎。誤其母子性命。但服葱白香豉湯自愈。故千金治妊婦傷寒。用葱白生薑水煎熱服。取汗卽安。是以葱白香豉湯。香薷散。可解表邪。又可安胎。况葱白不惟性能解表。且善安生胎。下死胎。若感寒孕婦。胎傷未死。但用葱一把。水煮食之。汗出卽安。如胎已死。須臾自出。不應加生薑。薷葉。不可輕用。表藥。招尤。若妊娠邪在半表半裏。擇綱目內黃龍湯。卽小柴胡湯變體用法。其加減亦可採擇而用。

如表證已愈。但發熱大渴。用香薷散。加金花湯。便結者。加入大黃。或用三黃解毒湯。所以凡胎前疫證。與傷寒陽明府證。內實便秘。須急通大便。方不損胎。若大便自利。乃正氣下泄。胎必難保。惟大小便如常。知裏無熱。則不傷胎氣。故又有塗臍護胎之法。其或汗或下。各隨表裏脉證主治。至妊娠熱證。亦須急治。恐致落胎。千金用葱白香豉湯。取汗即愈。又有用柴葛安胎飲者。如嘔吐煩躁。用生津葛根湯者。甚則班出黑色。用梔子葱豉湯者。密齋用加味化斑湯。此皆熱入於裏。陽明證之方藥也。醫通治孕婦溫熱時

行。及傷寒邪氣內犯熱毒逼胎。並宜千金石膏大青湯急救。庶可保全。遲則不救。又有石膏六合湯。升麻六合湯。立方甚穩。錄後以備採用。凡胎孕藥內。不得已而用大黃轉藥。須用酒製薑桂附子。用黃連甘草製之。則無害矣。

葱白香豉湯 千金治時疫傷寒。三日已內。頭痛如破。及溫病初起寒熱。

葱白 連鬚一握、

香豉 三合、

右二味。水煎。入童便一合。日三服。秋冬加生薑二兩。此方藥味雖輕。功效最著。凡虛人風熱。伏氣發溫。及產後

感冒。靡不隨手獲效。與產後痢後用伏龍肝湯丸不殊。既可探決死生。且免招尤取謗。正危證解圍良劑也。

尊生香薷散 治妊婦傷寒。勿論日數。但見惡寒頭疼。此方主之。

香附

炒黑

紫薷

各二錢

陳皮

一錢

甘草

五分

引加生薑三片。葱白五寸。煎服。○頭疼加川芎 一錢。白

芷 一錢。羌活 一錢。防風 一錢。○如表證愈。但發熱大渴。

加金花湯。○便結者。加製大黃 一錢。

金花湯

黃連

黃芩

黃栢

梔子 各一錢

水煎服。

濟陰香薷散

與尊生方同。此則分五臟脉證加法。故重錄以脩擇用。

香附

炒黑

紫薤 各二錢

陳皮

一錢

甘草

五分

生薑三片。葱白五寸。煎服。○頭痛。加川芎、白芷 各一錢。

名芎芷香薷飲。○如惡寒裏和。外證見面青善怒。得肝

脉浮弦。加羌活、防風。○如惡寒裏和。外證見面黃善噫。
得脾脉浮緩。加白朮、防己。各一錢五分。○如惡寒裏和。外證
見面白善噫悲。得肺脉浮濇。加黃耆、防風。各一錢。○如
惡寒裏和。外證見面黑善恐。得腎脉浮濡。加吳茱萸。一錢。
黃龍湯 治妊娠傷寒。得之三五日後。有惡寒發熱。
內有煩渴引飲。小便赤澀之證。此邪在半表半裏。
宜此方主之。

柴胡 二錢

黃芩 一錢五分

人參

甘草 各一錢

薑棗爲引。水煎服。○如寒熱往來。無汗口乾。加葛根。二錢。

去棗。入葱白。三根。○如頭疼不止。加川芎、白芷。各一錢。

去棗。加葱白。三根。○如發熱有汗、口渴。加土炒白朮。一

錢半。括蕒根。一錢半。○如脉浮大有力。大熱大渴。人參

白虎湯去薑棗。○如心煩不得卧。加白茯苓、去心麥冬

各一錢。○如嘔噦。加製半夏、白茯苓。各一錢。去棗。○如

胸膈滿痛。加炒枳殼、炒黑香附、川芎。各一錢。○如大便

秘。初加製大黃。五分。得利則止。不利加。一錢。以利爲度。

三黃解毒湯 治妊娠傷寒五六日後。表邪悉罷。並

無頭痛、惡寒之證。止煩躁、發熱、大渴、小便赤、大便秘。或利下赤水。六脉沉實。此病邪在裏。此湯主之。

黃芩

黃連

黃栢

山梔

大黃

各等分

煎服。

護胎法 治妊娠傷寒、熱病、護胎。

白藥子

不拘多少

爲末。以鷄蛋清調攤於帛上。如碗大。貼臍下胎存處。乾

則以濕水潤之。

又法 治孕婦一切有熱。內外諸證。

伏龍肝 不拘多少。

爲末。用井底泥調敷心下。令胎不傷。

柴葛安胎飲 治孕婦熱病。骨節疼痛。如不急治。則落胎。

柴胡

葛根

青黛

各八分

石膏

一錢五分

升麻

五分

梔子

一錢

知母 七分

葱白 三根

水煎服。○有痰加竹瀝 一小盃。薑汁 二匙。

生津葛根湯 治孕婦熱病嘔吐不食胸中煩躁

人參

葛根

蘆根

麥冬 去心

知母 炒

梔子 炒各一錢

竹茹 一團

葱白 三寸

水煎服。

梔子葱豉湯 治孕婦熱病班出赤黑色小便如血

氣急欲絕胎落之證。

梔子

炒

黃芩

升麻

各一錢

生地

二錢

青黛

八分

豆豉

四十九粒

杏仁

十二粒去皮尖

石膏

一錢五分煨

葱白七寸爲引。水煎服。

加味化斑湯 治孕婦傷寒熱病不解。遍身發斑。赤

如錦文者。

人參

知母

生地

黃芩

梔仁

甘草

各一錢

石膏

二錢

淡竹葉

二十片

豆豉

半合

水煎食遠服。

千金石膏大清湯 治妊娠傷寒。頭疼壯熱。肢節煩

痛。此方既可散邪。又能安胎。先爲孕婦傷寒溫熱

時行神方也。

石膏

二錢

大青

黃芩 各八分

前胡

知母

梔仁 各一錢

葱白 一莖

水煎溫服。

石膏六合湯 治妊娠傷寒。身熱大渴而煩。

當歸

川芎

白芍

生地 各一錢

石膏 煨

知母 各五分

水鍾半。煎一鍾溫服。

升麻六合湯 治妊娠傷寒下後。過經不愈。濕毒發
班如錦紋者。

當歸

川芎

白芍

生地 各一錢

升麻

連翹 各七分

水煎溫服。

讖語論

妊娠讖語。爲臟腑熱極之候。急宜童便時時灌之。不應。用
生地黃黃連湯。清其血中之火。庶胎得安。脉實者。加酒大

黃下之。下遲則傷胎也。亦有傷胎胎下而下血。心神無主。譫語。雖用峻補。亦難有效。其治法方藥。俱載產後妄言妄見門。若孕婦證見舌青者。其子已死。腹中急。當下之。若雙胎一生一死者。必腹中半邊冷。半邊熱。如母患熱證。臟腑熱甚。蒸其胎。兒因致死。但服黑神散。加生蒲黃以煖其胎。則胎卽出矣。胎未死。并泥塗臍。以護胎氣。多有保全者。

生地黃黃連湯 治失血後燥熱癰縱。脉數盛者。

生地 二錢

防風

川芎 各八分

當歸 一錢五分

黃連

七分

黃芩

炒

山梔

炒黑各一錢

赤芍

一錢

水煎服。

血證黑神散 治吐血衄血。屢發不止。

炮薑

肉桂

各一兩

熟地

四兩

當歸

蒲黃

篩淨炒黑各三兩

白芍

酒製

炙草

各二兩

右爲散。每服四錢。用黑豆半合。微炒香。淋酒半盞。和水

胎產心法

卷上

讞語方

五

半盞煎一半。入童便半杯和服。氣虛加人參三兩。炙黃

耆六兩。以固衛氣。庶無營脫之患。○一方熟地、蒲黃、炮

薑、歸、芍、桂心、各二兩。炙草三錢。黑豆二合五勺。炒、去皮。

共爲末。每服二錢。童便和酒下。○世以豆去殼同藥爲散。不知豆之功全在殼也。

傷風論

妊娠傷風。皆由於天氣寒暄不一。或暴寒、暴熱。人失防範。起居不慎。卽鼻塞、流涕、微嗽、惡風。常作噴嚏。與傷寒之輕者相似。但傷寒惡寒。此則惡風。有間耳。宜香薷散去香附。

加葱豉。咳嗽多痰加桔梗。或紫蘓飲加葱豉。安胎爲妙。嗽兼瀉。氣口脉滑實有力。中有宿食者。胃苓湯去蒼朮。俟脾胃調。方理其嗽。予謂傷風咳嗽。總不如濃煎葱頭湯爲上。蓋風藥皆能墮胎。故嗽喘胎寒。多用連鬚葱湯。大能安胎。散氣胎始無虞。或加香豉。猶妙。若不喘者。紫蘓飲加砂仁、童便。

香蘓散

見本卷霍亂門

紫蘓飲

見本卷安胎門

胃苓湯

見本卷泄瀉門

傷食論

妊娠傷食。多由脾胃中氣虛弱。不能運化。故東垣云。脾胃之氣壯。則過時不饑。多食而不傷。蓋胃主司納。脾主消化。凡素常脾胃虛弱。飲食難化。以白朮、陳皮等分爲末。神麴糊丸。常服最善。枳朮丸。但可暫用。枳實、峻厲。能耗正氣。治者慎之。又經云。飲食自倍。腸胃乃傷。若飲食不節。生冷厚味。恣性食噉。致傷脾胃。若投以峻劑。則脾胃復傷。而胎亦損。且胎以脾胃爲主。脾胃強。則胎系如懸鐘而不墜。若傷食不化。則脾困而胎不能固矣。故凡治消食導滯。皆先以。

補脾健胃爲主。兼推揚穀氣。則飲食自化。若徒事消尅。使脾傷而又傷。化源之機告竭。胎元猶易於墮耳。予治傷食。用砂仁合四君子湯。或香砂四君合平胃散。屢獲有效。世有用平胃散本方。治孕婦傷食。此必少壯村婦。粗糲粘滯之食。填滯於中。肚腹作痛。不得不平其胃土。如富貴之家。皆美食恣啖。臟氣素嬌。未有不兼補而施治也。況平胃散。加以朴硝。卽爲下胎峻劑。用者可不慎乎。予再考方書。有用六君子湯爲主。分別肉、麪、米、魚腥、辛熱、生冷所傷。而加以山查、麥芽、酒麪、陳皮、黃連、砂仁、木香。視其所因而加入。

甚爲穩妥。如傷肉食。加山查於六君子湯內。餘以類推。

四君子湯 見本卷胎逆上逼門

平胃散

六君子湯 俱見本卷諸痛門

臟燥悲傷論

妊娠臟燥悲傷。欲哭象如神靈所憑。數欠伸。蓋肺志爲悲。胎熱火炎。肺不自持。故悲。屬肺病燥也。胎前氣血壅養胎元。則津液不能克潤。而肺爲之燥。當補母。仲景用甘草小麥大棗湯主之。因甘草大棗補脾。治以甘緩。佐以涼瀉。無

不愈矣。立齋用淡竹茹湯。佐八珍湯。其用八珍補養氣血。更發前人之所未發。又治臟燥悲哭。及自笑自哭。用紅棗燒存性。米飲調下。

甘草大棗湯 治婦人臟燥悲傷不止。

甘草 三兩 小麥 一升

大棗 十枚

右以水六升。煮取三升。溫分三服。○蓋此方甘能生濕。濕生又何燥焉。

淡竹茹湯 治妊婦心虛驚悸。臟燥悲傷不止。又治

虛煩甚效。

麥冬

去心

小麥

製半夏

各一錢

人參

茯苓

各一錢

甘草

五分

右引加生薑三片。棗一枚。淡竹茹一團如指大。水煎服。

八珍湯

見本卷諸痛門

大便燥論

妊娠大便結燥。蓋因血養胎元。大腸血少。燥結難出。雖無大害。然便時甚苦。潤燥湯主之。

潤燥湯

阿膠 一錢五分

條芩

蘓梗

防風 各一錢

當歸

麻仁

芝蔴 各二錢

水煎服。

子瘖論

經曰婦人重身。九月而瘖者。胞之絡脉絕也。無治。當十月復。蓋因孕至九月。兒體已長。胞繫於腎。少陰之脉上繫舌。

胎產心法

卷上

大便燥方 子瘖論

百五

本。脉道阻絕不通。故不能言者。間有之。十月分。娩後而自能言。不必加治。若強以通聲開發治之。則誤矣。夫瘖者。有言無聲。經曰。不能者。非絕然不語之謂。凡音出於喉嚨。繫於舌本。因胎氣肥大。阻腎上行之經。腎脉入肺。循喉嚨。繫舌本。喉者。肺之部。肺主聲音。其人切切私語。心雖有言。而人不能聽。故曰瘖。肺腎子母之臟。故云不必治。若大全解作不語。則爲心病。以心主發聲也。與子瘖了不相干。若張子和有降心火之說。馬元臺有補心腎之言。如果腎之脉絡絕。則其病不治。豈有產後自復之理乎。故經云。胞之絡

脉絕。此絕字當作阻字。解如富貴之家。及不明醫理。必欲強治。惟有濃煎參麥五味飲。空心服地黃丸。助肺腎之氣。以養胎可耳。切不可謂痰閉心竅。而用化痰開竅通聲之藥。致誤母子之性命也。

參麥五味飲

見下卷暈厥門

六味地黃丸

見本卷諸痛門附六味地黃湯下

腹內兒哭鐘鳴論

妊娠腹內兒哭。或鐘鳴者。因腹中臍帶上疙瘡。兒含口中。姪婦或登高舉臂。脫出兒口。以此作聲。令姪婦曲腰就地。

如拾物狀。或令作男子拜揖狀。或令掃地。其疙瘡仍入兒口。卽止。亦有胎熱不安而啼者。以黃連濃煎汁。姪婦時時呷之。卽止。

胎不長養過期不產並枯胎論

姪婦有按月行經。而胎日長者。名曰盛胎。其婦血氣克盛。養胎之外。血有餘故也。有數月之胎而血大下。謂之漏胎。因事觸胎。動其任脉。故血下而不傷子宮也。然孕中失血。胎雖不墜。氣血亦虧多。致逾月不產。曾見有十二三月。或十七八月。或二十餘月而生者。俱是血氣不足。胚胎難長。

故耳。凡十月之後未產者。當大補氣血之藥。以倍養之。庶無分。娩之患。所以胎氣本乎血氣而長。其胎不長者。亦惟氣血之不足。故有受胎之後而漏血不止。則血不歸胎者。有婦人中年血氣衰敗。泉源日涸者。有因脾胃病。倉廩薄。化源虧而衝任竅者。有多鬱怒。肝氣逆。血不調而胎失所養者。有血氣寒而不長。陽氣衰。生氣少者。有血熱而不長。火邪甚。正陰損者。種種不一。凡治此病。則宜補。宜固。宜溫。宜清。因其病而隨機應之。胎氣漸克。自無不長。然又有姓母氣血自旺而胎不長者。此必父氣孱弱。又當大劑保元。

專補其氣。不得雜一味血藥助母。則子氣方得受益。總之胎之能長而旺者。全賴母之脾土輸氣於子。凡長養萬物。莫不由土。故胎之生發。雖主乎腎肝。而長養實關乎脾土。所以治胎氣不長。必用八珍十全歸脾補中之類。助其母氣。以長胎。免致多延日月。試觀瘠薄之土。雖莖不獲得沃澤灌溉。便能成實。義可見矣。其過期不產。有屬氣虛者。當補其氣。有血虛氣滯者。用補血行滯湯。服之卽產。復有胎氣因母舉動失調。或所稟怯弱。不能自固。致兒內失榮養。不能長發。仍不隕墜者。此與菓實乾萎在枝無異。名曰枯。

胎。惟宜急早資母血氣。則胎自長。若失於早為滋養。以致萎燥既成。無能為矣。曾有孕婦。十七月不產。自五月以後。胎則不動。用丹參一味。日服七錢。兩旬餘。胎下已死而枯。又一婦十三月不產。脉來微結。用十全大補湯。二十餘劑。而下胎枯色白。如過期不產。而脉沉細。但當臍下悸動。此為瘀積化水。當作鬼胎治之。

保元湯 治營衛不足。

黃 著

三錢至六錢。蜜酒炙。

人

參

三錢至一兩。

炙

草

一錢。

水煎服。

十全大補湯 治營衛俱虛。

人參

黃耆 蜜炙、

白朮 土炒、

茯苓

熟地

當歸 各一錢、

川芎

白芍 炒、各八分、

肉桂

炙草 各五分、

薑棗引。水煎服。

補血行滯湯 又名催生湯、 治過月不產。又能催生。

當歸酒浸

川芎

白芍炒

熟地

香附製各一錢

菴仁去皮尖

枳殼炒

砂仁碎

紫蘓各七分

薑一片。棗二枚。水煎服。

歸脾湯
見本卷胞漏小產門

八珍湯

補中益氣湯
俱見本卷諸痛門

鬼胎論

又名夜叉胎

凡婦人氣血克實。臟腑調和。秉心正真。則無鬼胎證矣。若榮衛虛損。精神衰弱。邪思蓄注。衝任滯逆。脉道壅瘀不行。狀如懷娠。故曰鬼胎。然細究其理。鬼胎者。僞胎也。如人邪淫之念一起。則肝腎相火自動。有夢與鬼交者。非實有鬼。神交接成胎也。卽經所謂思想無窮。所願不遂。白淫白濁。流入子宮。結爲鬼胎。乃本婦自己血液。淫精聚結成塊。血隨氣結而不散。以致胸腹脹滿。儼若胎孕耳。非僞胎而何。故鬼胎之脉。沉細弦澹。或有時虛浮。有時沉緊。忽大忽小。

皆陽氣不克之驗。其腹雖漸大而漫起重墜。終與好胎不同。當臍或臍下左傍。雖微動。亦與正胎迥別。所以一見經候不調。就行調補。庶免此患。若停經瘀滯而得。卽血瘀氣凝之類。則病已成。當調補元氣爲主。而繼以去積之藥。乃可。然欲於補中兼行。無如決津煎。欲去其滯而不猛峻。無如通瘀煎。若由陽氣不足。或肝脾鬱怒所傷。不能生發。致陰血不化而經閉爲患。肚腹漸大。以加味歸脾湯。加味道遙散。再加去白陳皮八分。如乾嗽。用蜜製治之自愈。此外。如狐魅異類之遇者。則實有所受。而又非鬼胎之謂。當於

癥瘕類求法下之。又常見婦人得孕經止。尺脉或濇。或微弱而無他病。此子宮正氣不全。精血雖凝。而陽虛陰不能化。終不成形。每至產時而下血塊血胞。必大劑溫補預調。而後方能成孕也。

決津煎 治婦人血虛經滯。不能流暢而痛極者。以水濟水。若江河一決。而積垢皆去。用此湯隨證加減主之。此用補爲瀉之神劑也。

當歸 三五錢或一两、
澤瀉 一錢五分、

牛膝 二錢、
肉桂 一二三錢、

熟地

二三錢或五七錢或不用亦可

烏

藥

一錢如氣虛者不用亦可

水二鍾煎七八分。食前服。○如嘔惡加焦薑一二錢。○

陰滯不行。非加附子不可。○如氣滯而痛脹加香附一

二錢。或木香七八分。○如血滯血澁加酒炒紅花一

錢。○如小腹不煖而痛極者加吳茱萸七八分。○如大

便結澇加肉蓯蓉一二三錢。微者以山查代之。○如氣

虛少用香陳之類。甚者不用亦可。

通瘀煎 治婦人氣滯血積。經脉不利。痛極拒按。及

產後瘀血實痛。并男婦血逆血厥等證。

歸尾

三五錢

山查

香

附製

紅花

新者炒黃各二錢

烏藥

一二錢

青皮

澤瀉

各一錢五分

木香

七分

水二鍾煎七分。加酒一二小鍾。食前服。○兼寒滯者。加

肉桂

一錢

或吳茱萸

五分

○火盛內熱。血燥不行者。加

炒梔子

一二錢

○微熱血虛者。加芍藥

二錢

血虛澁滯

者。加牛膝。○血瘀不行者。加薤仁

二十粒。去皮尖。或加

蘓木。元胡之類。○瘀極而大便結燥者。加大黃一二錢。

加味歸脾湯

見本卷胞漏小產門附歸脾湯下

加味逍遙散

見本卷子懸門附逍遙散下

腸覃似孕並畜血似孕論

婦人腸覃似孕。乃寒氣客於腸外。與衛氣相搏。氣不得榮。因有所繫。寢而內着。惡氣乃起。瘕肉乃生。其始生大如鵝卵。稍以益大。狀如懷子。按之則堅。推之則移。月事以時下。此結氣大。腸爲氣病。而血不病。故月事不斷。當用散氣之劑治之。其蓄血似孕。因多鬱怒。經閉不月。腹漸大。初時人以爲孕。至過月不產。諸證漸見。此蓄血子門。爲血病。當破。

胎產心法

卷上

腸覃似孕並蓄血似孕論
孕婦出產論

真

血藥下之。

孕婦出痘論

凡孕婦出痘。熱能動胎。胎落。則氣血衰敗。而不能起發。灌漿矣。故始終以安胎為主。外用細軟之帛。緊兜肚上。切不可用丁桂燥熱之品。及食牛、鼠、毒物之類。以致觸犯。其條芩、白朮、艾葉、砂仁之類。與痘相宜者。採而用之。其初發熱。則以參蘓飲發之。痘既出後。則多服安胎飲保之。渴者。則用人參、白朮散加減。瀉者。則用黃芩湯。合四君子湯。內加訶子。血虛者。則以四物湯加托藥。色灰白而起發較遲者。

則用十全大補湯。去桂服之。總之不問輕重。悉以清熱安
娠爲主。更有孕婦出痘。正當盛時。忽臨正產者。勢必氣血
俱虛。亦只以十全大補湯。大補氣血爲主。虛寒者。少加熟
附。若腹中微痛者。此惡露未盡也。宜四物湯。加乾薑、桂心、
木香、黑豆。用熟地黃。而去芍藥。蓋恐寒涼有傷生氣。然有
當用者。酒炒用之。若寒戰咬牙。腹脹不渴。而足冷身熱者。
此乃脾胃內虛。外作假熱也。宜參、耆、歸、附、木香之類。一二
劑而愈者吉。不愈者凶。若孕婦肥胖者。則氣居於表。而慊
於內也。人參可多。黃耆宜少。多加帶殼縮砂。切忌脫蒂菓。

子之類。至有痘將收靨。忽作泄瀉。口渴飲水。小便短少。其痘胖壯紅潤者。此內熱也。宜用五苓散。內加黃芩。芍藥之類。若至滑瀉不止。食少腹脹而足冷。痘色灰白。脉細無力者。此犯五虛必死之證也。凡婦人方產之後。或半月左右。適逢出痘者。此無胎孕繫累。惟氣血尚虛。治宜大補榮衛為主。若痘出多者。則加連翹。粘子之類。大便自利者。則用肉蓯、炮薑之類。餘卽照常一例而治。不必多疑。反生他誤。至於孕婦出痘。在於初出之時。胎落者。則血氣雖爲大虛。然熱毒亦因走泄兼之。未經起脹灌漿。則血氣未曾外耗。

倘痘非險逆。加以大補托裏。每多得生。至於收靨之時。胎落者。則毒已出表消散。亦多無事。但重虛而元氣易脫。倍宜補益耳。若正當起脹灌漿而胎落者。則氣血衰敗。內外兩虛。既不能逐毒以外出。則毒心乘虛而內攻。其爲不救者多矣。

黃芩湯 治熱利。

黃芩

炙草

芍

藥

各等分

大棗

五七枚

水煎服。

胎產心法

卷上

孕婦出痘方

夏

參蘓飲

見本卷喘急門

安胎飲

四物湯

俱見本卷安胎門

人參白朮散

見本卷泄瀉門

四君子湯

見本卷胎逆上逼門

十全大補湯

見本卷胎不長養門

五苓散

見本卷泄瀉門附四苓散下

妊娠麻疹論

妊娠出疹。當以四物加減。而加條芩、艾葉。以安胎清熱爲

主。則胎不動。而麻疹自出矣。然熱毒蒸胎。胎多受傷。但胎雖傷。而母實無恙也。蓋疹與痘不同。痘宜內實。以痘當從外解。故胎落毒氣乘虛而內攻。其母亡。疹宜內虛。以疹當從內解。故胎落熱毒隨胎而下。其母存。雖然與其胎去而母存。孰若子母兩全之為愈也。且古人徒知清熱以安胎。不思疹未出而卽以清熱為事。則疹難出而內熱愈深。是欲保胎。反足以傷胎也。宜輕揚表托。則疹出而熱自清。繼以滋陰清解。則於疹於胎兩不相碍。不安胎而胎自安矣。如疹出不快。宜白虎湯。合用升麻葛根湯。倍加元參牛蒡。

治之。胎氣上冲。急用苧根艾葉煎湯。磨枳榔服之。再以四物湯進之。熱甚胎不安。服固胎飲數劑。如又不愈。腹疼腰痠。卽知胎有必墮之機。如胎墮。卽以產法論治矣。

升麻葛根湯

葛根

升麻

白芍

甘草 各等分

水一盞。煎七分。溫服。此解表發散之方也。表熱壯盛。邪實於表。經曰。輕可去實。故用升麻葛根以疏表。所以然者。升麻能解疫毒。升陽於至陰之下。以助發生之氣。葛

根能解熱毒。兼疏榮衛。以導起發之機。二味之外。又加甘草佐之。以和在表之氣。芍藥佐之。以和在裏之榮。去其實邪。和其榮衛。風寒自解。麻疹自出。

固胎飲 止痛安胎。

地黃

川芎 各五分、

歸身

人參

白芍

陳皮 各一錢、

白朮 土炒、

黃芩 各一錢五分、

甘草 三分、

黃連

黃

栢

各一分

桑上竿兒藤

七葉圓者

右細切。每服二三錢。入糯米二十粒。水一鍾。煎至七分。溫服。○痛。加砂仁。○血虛。加阿膠。

白虎湯

見本卷瘧門附桂枝白虎湯下

四物湯

見本卷安胎門

胎產心法卷之上

畢